

UTL AT DOWNSVIEW



D RANGE BAY SHLF POS ITEM C
39 10 13 02 05 004 3

BP
42
J8
1899

Istanbul, Turkey. Dârüṣṣa-
faka
'İlm-i hal-i kebir

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

5071

20/135



Digitized by the Internet Archive
in 2010 with funding from
University of Toronto

Istanbul, Turkey. Dârü'sşafak


علم حال كبير

İlm-i hāl-i kebîr

دارالشفقة الاسلامیہ تدریس اولمق اوزره هیئت
تدریسیہ اسلامیہ طرفدن انتخاب و قبول اولمشدر

هر حقوق دارالشفقة یدہ جئدر

دفعه رابعه اوله رق



استانبول

(محمود بك) مطبعه سى — باب على جوارنده


ابوالسعود جاده سنده نومرو ۷۲

۱۳۰۷

BP
42
I 8
1899

درس ۱

بسم الله الرحمن الرحيم



الحمد لله على ما هدانا لهذا وما كنا لنهتدي لولا أن هدانا الله
دينه بالسلوة ابني شقن عبادتدر برنجی شقی ایمان
واعتقاده دائر مسعودن بحث ایدر .

(ایمان یعنی اینانمق) قولدن لسان ایله اقرار وقلب
ایله تصدیق و جناب حقن هدایت و ترفیق ایله اولور
و تعریف یعنی بیلدیرمک حقن و تعرف یعنی بیلیمک
قولنددر و هدایت حقن و استهدا یعنی هدایتی استمک

قولنددر وتوفیق حقیدن وجهد وغیرت وقصد ونیت
قولنددر واکرام وعنایت حقیدن وقبول قولنددر ایمان
هر کسه واحبدر وجوبك طریق ثبوتی سمعدر یعنی
ایشیدن آدمه واحبدر وعقل ایمانده واسطه وآلندر
وحقیقتده معرف وموجب اولان یعنی بیلدیرن حقدر
عقل ایله اشیانك ایوانکی وکوتیلکی بیلنور وعقل
موجب بالذات دکلدر یعنی برشبیء بیللمك بالذات عقل
ایله دکلدر وبالکلیه معزولده دکلدر یعنی عقلك دخل
وتأثیری یوقده دکلدر بایکه عقل تحصیل معرفت ایچون
آلندر .

(ایمان واعتقاد مسئلهلری یعنی مسلمان اولان کسینهك)

(اینانمیی لازم کلان مسئلهلر)

مسلمان اولان کسینهلره آلتی شیء اینانمق فرضدر .

(برنجی) الله تعالی حضرتلرینه اینانمق

(ایکنجی) ملکله اینانمق

(اوچنجی) الله تعالی حضرتلرینهك کوندردیکی

کتابلره اینانمق

(دوردنجی) الله تعالی حضرتلرینهك پیغمبرلرینه اینانمق

(بشنجی) آخرت کوننه اینانمق

(التنجی) قدره و خیر و شر لله تعالیٰ بدن اولدیغنه
ایناغق

درس ۲

(الله تعالیٰ حضرت تلرینه ایناغق) الله تعالیٰ
حضرت تلری بر در یعنی جناب واجب الوجودک
الوہیتندہ وذات وافعال وصفاتندہ و تأثیراتندہ شریکی
و نظیری یوقدر موجوداتندن هیچ برشی کند و سندنہ
بکزمز و مخلوقاتندن هیچ برشیئ نہ وجودده و نهدہ علمده
بکزه دینور جسم و جوهر و عرض دکلدر رنگندن
شکلندن صورتدن منزہدر امان بابادن و اوغلمدن
و غزدن و قاریدن و او یقودن و او یوقلدن و یمدن
و ایچمدن و کولمدن و آغلمدن و سونمدن و یرنمدن معرادر
نہ کندی کسمدن کلدی نهدہ اندن طوغه رقی برکسمہ
و جودده کلدی و جہاتندن خالیدر یعنی نہ آلمدہ نہ
اوستمدہ نہ او کمدہ نہ آرقہدہ نہ صاعمدہ نہ صولده
بونکله برابر هریرده حاضر و ناضر در اونک ایچون
هیچ بر طرف دوشونامز و برشیئ حلول اتمز و حلولدن
معرادر و یراتدیغی شیلردن هیچ بر حادث ذاتنه یا قاشمز
و آنک ایچون حد و نہایت یوقدر و معدود یعنی صابیلو
دکلدر و صایوبہ محلدہ دکلدر و آنک بعضلری و جزؤلری

یوقدر و بعضدر و جزؤلدن ترکیب اولمش دکلدر .
 و (عالم جمیع اجزاسی وصفاتیله محددر) یعنی
 یوقدن وجوده چقمشدر و صکره دن اولمشدروانی یوقدن
 وجوده کتورن اللهدر والله تعالی حضرتلری هیچ
 برشی ایله جنسانمز لذت و قوقودن و حرارتدن
 و صوغوفلمدن و بونله بکزر مزاج و ترکیبک حاللرندن
 منزهدر الله تعالی حضرتلرینه هیچ بویله شیلر اولمز
 وانک اوستندن هیچ بر زمان کچمز چونکه زمان بزم
 کبی حادث و فانیلر ایچوندن و آنک علمندن و قدرتندن
 خارج هیچ برشی یوقدر و ازله یراتمزدن اول
 یراهه جفی شیلرک جمله سی بیلور ایدی . والله تعالی
 حضرتلری وحدت حقیقی ایله واحددر الله تعالی
 حضرتلرینک وحدتی او یله امر اعتباری دکلدر والله
 تعالی حضرتلری صفتلری واسم لریله برابر ازلیدر
 ابتدایی یوقدر ابدیدر نهایی یوقدر ککندوسنه
 صکره دن بر اسم و بر صفت و یرلماشدر و علم ازله
 انک صفتیدر و عالم اسمیدر والله تعالی حضرتلری
 فاعلدر یعنی ایشلیجیدر و ایشلیجیلک انک اسمیدر و ایشلمک
 صفتیدر و مفعول یعنی ایشلنمان و بایر الان مخلوقدر

فقط الله تعالى حضرت تبارك فعلی مخلوق دكدر و ذات
حق جل و علايه تغير جائز اولمسينی كبی صفاتنه دخی
تغير جائز دكدر والله تعالى مخلوقاتك وجودندن اول
خالق و مرزوقينك وجودندن اول رازق و مقهورينك
وجودندن اول قاهر و عابدينك وجودندن اول معبود
و سائلينك يعنى صور تخيلك وجودندن اول عجب
و يرلرک و كوكلرك وجودندن اول غنى و مملكت ايله
ملوكارك وجودندن اول مالك و كانه مخلوقاتك فاسندن
صكره ده باقيدر حق تعالىك وارلى كنندنددر
غير بدن دكدر كنديسنه وجودده بر شى سبقت
ايتماشدر و ذاتى اوزرينه زائد صفات قدسيه ازليه
وارد ذات اعلاسنك عبنى و غيرى اوليوب ذاتيه قئدر
زوالدن و تغيرادن بريدر .

(صفات ذاتيه و فعليه)

الله تعالى حضرت تبارك صفات ذاتيه سى و صفات
فعليه سى ديك ذاتنه مخصوص صفاتى و فعلنه مخصوص
صفاتى ديكدر و صفات ذاتيه و صفات فعليه سى

بالادہ دخی سولدی کمز و جہلہ اللہ تعالیٰ حضرت تباریک
 کنسی ایلہ قہر یعنی هیچ بروقتہ کنندن
 آیلر و سندوسنک عینی دکلر زیرا صفت موصوفک
 هیچ بروقتہ عینی اولہ من و غیریدہ دکلر زیرا
 اللہ تعالیٰ حضرت تباریک صفاتی ذاتسدن ازلی ابدی
 آیلر غیری اولسہ آیلر لازمکلور مثلاً کتابت کہ
 یازمق دیکلر بر صفت و حالت عبارت اولدیغندن ذات
 وحسم محسوس اولان کاتبک عینی دکلر فقط کاتب
 یاردی آیلر و سئلہ موصوف یازمقین حالدہ اوصفتدن
 خلی و دیگر بر صفتہ موصوف اولمش اولور چونکہ
 انساںک ہر بر صفاتی حالت اولدیغندن بعض قیام
 حالہ و بعض کرہ او توو حالسدہ و بعض کرہ مدہ یک
 و یا یجک صفات سائرہ سندہ بولنور لیکن جناب حقک
 صفاتی اسم و زلی و ابدی اولدیغنی جہتلہ کندوسنک
 غیری اسم اولسہ عالمہ بر قیج قدیمک بولمسی اتضا ایدر
 حالہ کہ قسم اولان ذات الخلق اللہ تعالیٰ حضرت تباریک
 و جہل و کذب کی صفات تقیایسدن عالمی و بریدر
 و کل مستلزمہ متصفذر ذات شرفی رحالہ اوزرہ ثابتدر
 و جہلہ انساںک مخلوقیدر و آیلدن غیری و اثر حقیقی بوقدر

الله تعالیٰ حضرت تلیٰ نیک صفات ذاتیه سی یعنی ذاتہ
مخصوص صفت تلیٰ بونلردر (حیوة قدرت علم
کلام سمع بصر اراده) وغیر یلریدر فعلانہ
مخصوص صفت لریده یراتسق ووزقانلدر مق وبرشیئی
یوقدن وار ایتک واولدر مک ودرلنک وبونلره بکزر
فعللردر .

درس ۳

(حیوة) الله تعالیٰ حضرت تلیٰ دیری اولمق الله تعالیٰ
حضرت تلیٰ کندی دیری لکی ایله دیری در دیری لکی کسه دن
دکلدر والله تعالیٰ حضرت تلیٰ ایچون اولوم یوقدر اولمک
انجق غنصر دن مرکب اولان انسان و حیوانات سائرہ
ایچوندر آنک دیری لکی کندی یراتدینی انسانک دیری لکی
کی فانی دکلدر حی ابدی ایله حی وقاندر .

(قدرت) الله تعالیٰ هر شیئه قادر اولمق . الله تعالیٰ
حضرت تلیٰ نیک قدرتی قدیم وازلی وابدیدر هر نهی که
مراد ایدرسه یبار الله تعالیٰ حضرت تلیٰ نه مراد ایتدیکی
شیئی بلیق ایچون هیچ بر مانع یوقدر الله تعالیٰ
حضرت تلیٰ نیک یاننده الک اوافق شیء یراتقسله بتون یری
وکوکی یراتمق بر در اکا هیچ بروقنده عجز اسناد اولنمز .

(کلام) الله تعالى حضرت تبارك سويلمسی اولمق
يعنى الله تعالى حضرت تباري سويليجير وسويلمسی اولمندر
فقط سويلمسی بزم کي آغزه ديله وحرقلر ايله دکلدر .
(سمع) الله تعالى حضرت تبارينك ايشتمسی اولمق . الله
تعالى حضرت تباري بتون شيلري وکلرلري ايشيديجيدر
فقط بزم کي فولان ايله دکلدر کندي قدیم ايشتمسی
ايلاه ايشيدر .

(بصر) الله تعالى حضرت تباري هرشيئي کورمک .
جناب حق رنگاري وچماري ايله هرشيئي کورر آنک
ايچون هيچ برشي برده اوله من وکـورمک اولده
صفتيدر .

(اراده) دنيا ده و آخرت ده اولمش واوله جبق بيوک
وکوچنک از وچوق خير وشر وفائده وضرر آنک
اراده يله اولمق حق تعالى حضرت تباري برشيئي مراد
ايدرسه اولور و مراد ايتمزه اولمز و (احديث) يعنى
برنک (صمديت) يعنى ابتدائي وانتهائي اولماق
(عظمت) يعنى بيوکلك (قدم) يعنى الله عظيم الشانک
وارلغنک اولي اولماق (بقا) الله عظيم الشانک وارلغنک
آخري اولماق (قيام بنفسه) الله تعالى نيك ذاتنده وصفاتنده

و افعالندہ کسمایہ محتاج اولما مق (مخالفت للاحداث)
 اللہ عظیم الشانک دانندہ وصفانندہ کسمایہ بکزم امامک
 دخی صفات ذاتیہ سندندر .

درس ۴

و حسیق تعالیٰ حضرت تلیزینک صفات ذاتیہ سی
 وصفات فعلیہ سی مخلوقاننک صفات تلیزینہ مخالفند
 چونکہ اللہ تعالیٰ حضرت تلیزین پیلور بزم بیلدیکمز
 کبی دکل زیراً بزم بیلدیکمز صکرمدن اولمادر وورهمدن
 خالی دکلدن جناب حقک کی ایسہ قدیمدر وواللہ
 تعالیٰ حضرت تلیزین قادردر قدیمی قدیمدر و بزمکی
 حادث یعنی صکرمدن اولمادر و بزم آللمرمن و یاردیکمز
 و حسواس خمسہ من و سائر سبیلرمن اولدین و قدیمہ
 بعض شیئہ قدرتمز و اربیسہ دہ بولنر بولمیدین حائلہ
 هیچ برشیئہ مقتدر دکلز و اللہ تعالیٰ حضرت تلیزین ایسہ
 آلتمز و یاردیکمز ہرشیئہ مقتدردر .

واللہ تعالیٰ حضرت تلیزین کورز بزم کوردیکمز کبی
 دکل زیراً بزم کوردیکمز رنکلمی و شکلمی آلتمز
 و شرطلر ایلہ کورورز دنلا کورہ جکمز ششی
 کورمکلمکمزہ برمانع ظهور ایتماک شرطیلہ کوزمن
 ایلہ کورورز شاید کوزمزدہ حفظ اللہ برخستہ اقی

ظهور آیتیه و یغود کوره جگمز شیئت او کینه بر هائل
کاسه کوره بین الله تعالی حضرت قلی ایسه شرطمنز
و آلتمنز زمان چکمدن بر آنده هیچ بر شی هائل
اولمقمنزین قننی یرده و قننی طرفده اولورسه اولسون
کورد .

وسویلر بزم کی دکل زیرا بزکذک آلتلر و شرطلر
ایله سویلر او ایسه شرطمنز و آلتمنز سویلر سویلمسی
بزم کی لسان و حروف و صدا ایله دکلدر .

ایشیدر بزم ایشتمنز ~~حکمی~~ دکل زیرا بز کذک
آلتلر و شرطلر و اسطاسیله ایشیدر جناب حق ایسه
زمان و مکان و اوز قاق و بقیق شیطی اولمقمنزین
ایشیدر .

(ایکنچی ملکله ایشتمن) الله تعالینک مالکلی
وارد و جناب حقینک امریه عالمدر الله تعالی
حضرت قلی ایسه عاصی اولملر و بونلر اجسام لطیفه
نوریه رل دلو درلو صورتلرده ظاهر اولورلر
و انلرده ارککلک ویشیلک اولمدینی ~~حکمی~~ انس
و جنک سائر حاللری دخی بولمز صاییلرینی آنجق
الله تعالی بلور یزلر و انجملر چونکه بونلر بزم

عناصر مزدن یعنی بزم کبی اندن و میگردن و قانندن مرکب
دکدر ویمه نك وایچمه نك لوازمندن اولان بول
وغائط کبی نسنه لردن بریدر لر بونلرک ایچمنده مقربلری
وافضالری واردر انلرده (جبرائیل) (عزرائیل)
(اسرافیل) (میکائیل) علیهم السلامدر و جناب حق
ایله پیغمبران عظامی اراسنده وحی شریعت و انزال کتب
خدمتیه صدق و امانت اوزره توسط انلرک شانندندر
وملائکة کرام ایکی قسمدر بر قسمی جناب حقک
معرفتده و تزهنده حال استغراقده درلرکه بونلر علیون
وملائکة مقربوندر و دیکریده قلم الهینک جاری اولدینی
وجه اوزره سمادن ارضه تداییر امرایدر بونلرکده سماویه
وارضیه سی واردر .

درس ۵

(اوچنچی کتاباره اینسانق) الله تعالی حضرتلری
دین حق بیسان ایچون جبرائیل واسطه سیله پیغمبران
عظامنه کتابلر کوندرمش و امر ونهینی و وعد (جناب
حقه اطاعت و قوللق ایدنلری رحمت و جنت ایله تبشیر
ایتمک) و وعیدنی (خدانک امر ونهینی طانیبوب اطاعت
ایتمانلرک عذاب جحیمنه لایق اولدقلرینی خبر ویرمک)
اول کتابارده بیلدیرلمشدر .

و بوکتابلرک جمعه سی طرف الهیدن اولدیغی جهتله
 بر در انجیق تفاوت و تعددی نظم و عبارسی و مقر نزولی
 و مخبر صا دقلری اعتباریله در قرآن کریمده جناب حتمک
 صفات و کالانی بیلدیرن اسماء شریفه نیک کثرتی و یک چوق
 منافع اخروییه و دنیوییه یی جامع اولمسی جهتله دیگر لرندن
 کتب مرسله سائره فقط قرآن کریمدن ماعداسنک
 تلاوت و کتابتی و بعض احکامی قرآن کریم ایله نسخ
 اولمشدر . چونکه صکره کلان کتاب و شریعت اول
 کلان کتاب و شریعتک حکم و زمانی تمام اولدیغی بیان
 ایدر .

بوکتابلردن قرآن کریم بزم پیغمبر من محمد علیه السلام
 حضرتنه ابتدا رمضان شریفک یکرمی در دنجی کونی
 نازل اولمشدر جبرائیل علیه السلام واسطه یله اقتضا
 ایتدجکه ادر صره ایه رک یکرمی اوچ ییلده تمام اولمشدر .
 (قرآن کریم حقنده بیانمسی لازم کلان معتقدات) قرآن
 کریم الله تعالی نیک کلامیدر حادث و مخلوق دکلدر و رسولنه
 القا ایلدیکی کلام خفیسیدر و تنزیلیدر یعنی کوکدن یرمه
 حضرت جبریل ایله ایندیردیکی کتابدر لکن حضرت

رسوله وحی طریقہ القا اولنان وکوکدن بره اینان کلام
ذات شریفی ایله قائم اولان کلامک عینی دکلدر بلکه اکا
دلالت ایدر زیرا انلر حروفدن ترتیب اولنان کلماتدر
حروف وکلمات ایسه حاشندر .

الله تعالینک ذات شریفی ایله قائم اولان کلام صفت
قیمه در حروف و صوتدن بریدر سائر صفتلرکی عینده
دکل غیریده دکلدر بلکه حقیقه صفتیدر مصحفلرده
یازلمس و دیلار ایله اوقومس و قابلرده حفظ اولمشدر
مصحفلره و دیلاره و قابلره کیرمکنن مبرا اولدیفی حالده
بلکه بونلره کیرن الفاظ وکلماتدرکه اکا دلالت ایدرلر
و مرکب و کاغذ و یارو جمله می مخلوقدر الله تعالینک
کلامی ایسه قدیمدر و مخلوق دکلدر و یازو و حروف
و کلمات جمله می قرآن عظیمه آتدر چرنکه هر کس اکلامق
ایچون بونلره محتاجدر و بونلر فهمه آتدر والله تعالینک
کلامی اوقنور و یازیلور و حفظ اولنور و ال ایله یازیلور
و قاب ایله حفظ اولنور دیمکدر فقط الله تعالینک ذات
شریفندن آریلوب بونلرک یرینه کیرمز .

درس ۶

(قرآن کریمک جیمت اعجازی) حد و حساب به کلز
ایسه ده بعض علما اتی وجه اوزره بیان ایتدیلر.

(برنجیسی) اینجهاز و بلاعتیدر استعید بالله (ولکم
فی القصاص حیاة) کبی.

(ایکنجیسی) نظم و اثر خطابه و شعر و رجز و سجع
اولمدینی حالده عقلاره حیرت و دهشت ویره جک مرتبه ده
حسن کلام و فصاحتیدر.

(اوچنجیسی) اوقویان و دیکلیان زره جه اوصافمز.
(دردنجیسی) حضرت موسی و حضر عایم السلام
فقره لری کبی وقایع ماضیه فی خبر ویرمسیدر. چونکه
حضرت یغمبر امی ایدی ارفوق و یازمق کندولرنجه
یوغیدی و هیچ بر عالم ایله صاحبیت و موالتلری اولمدی
و عصر سعادتلمزیده مشرکین عرب آندوسنه بویولده
بر شی اسناد ایتدیلر یعنی فلا عالمدن اوکریدی یاخود
اوکریور دیمیلر و کندولری آغا بلره و پتله طیار علوم
و فونندن بی ره بر قومک یچنده بولمیدلر آلك یچون
بومثلاو وقایع ماضیه نک خبر ویرلمسی معجزه در.

(بشنجیسی) صدق و صحتی مؤخرأ تبین ایدر و طقم
اخبار غیبیه بی جامع اولمسیدر.

(التجیسی) علوم کثیره فی جامع اولمسیدرکه نه عریده
علوم مذکورده دن اشغالق و نه ده امم سائرده علوم
مذکورده فی احاطه وارایدی .

ایشته اول علوم اولین و آخرینک خیرینی و مختلف
حکمارینی و مطیعلرک ثوابی و عاصیلرک عقابانی بیان
ایتدی و امر یلمعرف و نهی عن المنکر و اراقة دمدن
امتاع و صلاه ارحام و غیر ذلک بر طاقم شیلری
بیلدردی و فصحا و شعرای عرب الک انصر سوره سنک
مثانی آیهانده عاجز قانیدیلر یعنی الک کوچک سورده سی
کبی بر کلام ترتیب آیده مسیدیلر و حضرت پیغمبرک
نبوت و ادای رسالتدن اول یعنی سن شریفلری قرقه
بالغ اولردن اول کتساب نظم ایتدیکی بیلمدیکنی و سحر
تعلیم ایتدیوب شعر انشاء ایتدیکی و تاریخ بلاه میوب هیچ
بر اثر روایت ایتدیکنی کافه عرب بیلورلر ایدی قرآن
کریمک درجه بلاغتی انجق لسان عربی به اشنا اولنلره
معلوم اولمغله نه قدر بویابده ایضا حات و تفصیلات
ویرسکینه افهمدن عاجز فط شو قدر سویلرکه
فصحای عرب کلام بشر اولمدیغنه قرار و برمشیلرندر
و قرآن عظیم الشانک بک چوق حافظلری واردرکه

بونی ده جناب حق بوملت اسلامیه احسان ایتشدور
و دیکیانلره بر خشیت مستولی اولور .

و قرآن کریمک معجزه کبرا اولدینی و سائر پیغمبرانک
معجزه لرندن قات اندرقات عقله حیرت و یردیکی شو و جهله
افاده و ایضاح ایله اکلاییلورکه حضرت موسی و حضرت
عیسی ^ص پیغمبرانک عصای حییه ایتک و اولوی
دیرلتمک مثلاًو معجزه لری محضاً جناب حقک قدرت
و قوته نسبت قلبدقلری و قدرت الهیه تعلق ایتکمزین
بولنره ظفر میسر اوله میه جنی بدیهیدر . حالبوکه قرآن
کریم الفاظ و کلمات عربیه اوزره ولوب السنه عربده
دئما جاری و لسان مادر زاد اولدینی حالده ینه اکا
بر نظیره پیغمه قدرتیاب اوله ماملری عقله بیوک دهشت
و حیرت و یرر و معجزات سائرمدن هر بررلری بولندقلری
عصر و زمانه مخصوص اوله رق شمیدیکی حالده انلردن
بر اثر قلمامشدر و وقوعلرینه علم و اطلاع یالکیز توانرا
ایمانه منحصر بولنمشدر . و لکن قرآن عظیم الشان
جمیع اعصار و ازمانی شامل و جمله نک کوزی اوکنده
موجود و حاضر در .

{ قرآن کریمک نزولیلہ صورت استقالی }

قرآن عظیم الشانک الفاظ و عباراتی و جمع سور و آیاتی طبق نازل اولدینی کبی الی الآن تحریف و تبدیلدن مصون و محفوظدر زیرا حین نزولنده سید لانیبا افندمن حضرت تری آتی بالذات اصحاب کزینندن بوجه ذوات کرامه تسلیم و تلقین بیوروب حفظ و ازبر ایتدیرمش ودها عصر سعادتلرنده ذات شریفتری موجود و حاضر بولندینی حالده امت و اصحابی بیتندمه کالیله مشهور و متواتر اولمشدر حتی (خذوا القرآن من اربعة من عبدالله و سالم و معاذ و ابی بن کعب) بیورمشلردر یعنی قرآن کریمی صحبه کرامدن عبدالله و سالم و معاذ و ابی بن کعب حضرتلرنندن تمام ایتلرینی صحابه کرامه امر بیورمشلردر و وفات سنیدلرنندن صکره ممالک اسلامیه توسع ایتمکله قرا و حفاظ بیتندمه اختلاف و نزاع وقوعه کلامک و قرآن عظیم الشانک فخامت شاننه اعتنا قلمحق ایچون خلیفه ثالث حضرت عثمان عصرنده اسکابر و حفاظ صحابهک رأی و اجماعلریله یدی عدد مصحف

شریف تحریر و مقدما حضرت صدیق زمانسده عصر
نبویده یازلمش اولان الواح متفرقه من جمع ونحریر قلنان
مصحف شریفه دخی تطبیق ایله اقالیم مختلفه ارسائی
مناسب کوردیلر واندن صکره قرناً بعد قرن انک شان
والاسنه اهتمام ودقت وحفظ ودراسسته سبی وغیرت
اوله رق ملت اسلامیہ یننده فوق العاده کسب اشتہار
ایتمش ورجان ونسواندن وصیاندن پک چوق حفظ
پیدا اولوب بو عصره قدر اولاشدرمشلردر .

درس ۷

{ قرآن کریم دکی سور شریفه نک ترتیب نزولی }

و قرآن کریم نزلینک ترتیبی او قودیمز و مصحف
شریفه کوردیکمز ترتیب کبی دنگدر .

اولا مکة مکرمه ده نازل اولمشورکه صره سیله بیان
اولور برنجی سوره (اقرأ باسم ربك الذی خلق)
ایکجی (ن والقلم) اوچنجی (یا ایها المزمل) دردنجی
(المدثر) بشنجی (تبث یدا ابی لهب) التنجی
(اذ الشمس کورت) یدنجی (سبح اسم ربک الاعلی)
سکزنجی (ولیل اذا یفشی) طقوزنجی (والفجر)

اوننجى (الم نشرح) اون برنجى (والمصر) اون
ايكنجى (والعاديات) اون اوچنجى (انا اعطينا) اون
دردنجى (الهيكم التكاثر) اون بشتجى (ارأيت الذى)
اون التنجى (قل يا ايها الكافرون) اون يدنجى (الفيل)
اون سكرنجى (قل هو الله احد) اون طقوزنجى
(والنجم) يكرمى (عباس) يكرمى برنجى
(القدر) يكرمى ايكنجى (البروج) يكرمى
اوچنجى (التين) يكرمى دردنجى (لايلاف قریش)
يكرمى بشتجى (القارعة) يكرمى التنجى (القيامة)
يكرمى يدنجى (الهزمة) يكرمى سكرنجى (المرسلات)
يكرمى طقوزنجى (ق) اوتوزنجى (بلد) اوتوز
برنجى (الطارق) اوتوز ايكنجى (اقتربت الساعة)
اوتوز اوچنجى (ص) اوتوز دردنجى (الاعراف)
اوتوز بشتجى (الجن) اوتوز التنجى (يس) اوتوز
يدنجى (الفرقان) اوتوز سكرنجى (فاطر) اوتوز
طقوزنجى (مريم) قرقنجى (طه) قرق برنجى
(الواقعة) قرق ايكنجى (الشعرا) قرق اوچنجى
(النحل) قرق دردنجى (القصص) قرق بشتجى
(بنى اسرائيل) قرق التنجى (يونس) قرق يدنجى

(هود) قرق سڪزنجي (يوسف) قرق طقوزنجي
 (الحاجر) اللنجي (الانعام) اللي برنجي (الصافات)
 اللي ايكنجي (لقمان) اللي اوچنجي (سبا) اللي دردنجي
 (ازم) اللي بشنجي (المؤمن) اللي التنجي (حم)
 اللي يدنجي (السجده) اللي سڪزنجي (جمسق)
 اللي طقوزنجي (الزخرف) التمشنجي (الدخان) التمش
 برنجي (الجاثيه) التمش ايكنجي (الاحقاف) التمش
 اوچنجي (الذاريات) التمش دردنجي (الغاشية) التمش
 بشنجي (الكهف) التمش التنجي (النمل) التمش يدنجي
 (نوح) التمش سڪزنجي (ابراهيم) التمش طقوزنجي
 (الابديا) يمشنجي (المؤمن) يمش برنجي (تنزيل
 السجده) يمش ايكنجي (الطور) يمش اوچنجي
 (الملك) يمش دردنجي (الحاقة) يمش بشنجي (سأل
 سائل) يمش التنجي (عم يسألون) يمش يدنجي (النازعات)
 يمش سڪزنجي (اذا السماء انفطرت) يمش طقوزنجي
 (اذا السماء انشقت) سڪسانجي (الروم) سڪسان برنجي
 (العنكبوت) سڪسان ايكنجي (المؤمنون) سڪسان
 اوچنجي (ويل للمعلمين) فقط بوسكره كي اوج
 سورہ نك تقديم و تأخير لرندہ اختلاف واردر

و بو ترتیب اوزره مکه ده نازل اولان سکسان اوج
سوره در .

مدینه ده نازل اولان سوره لر برنجی سوره (البقره)
ایکنجی (الانفال) اوچنجی (آل عمران) دردنجی
(الاحزاب) بشنجی (الممتحنة) التنجی (النساء)
یدنجی (اذا زلزلت الارض) سکزنجی (الحديد) طقوزنجی
(محمد صلی الله علیه وسلم) اوننجی (الرعد) اون برنجی
(الرحمن) اون ایکنجی (هل اتی علی الانسان) اون
اوینجی (الطلاق) اون دردنجی (لم یکن) اون
بشنجی (الحشر) اون التنجی (الفلق) اون یدنجی
(الناس) اون سکزنجی (اذا جاء نصر الله والفتح)
اون طقوزنجی (النور) یکرمنجی (الحج) یکرمی
برنجی (المنافقون) یکرمی ایکنجی (المجادلة) یکرمی
اوچنجی (الحجرات) یکرمی دردنجی (التحريم) یکرمی
بشنجی (الصف) یکرمی التنجی (الجمعة) یکرمی یدنجی
(تغابن) یکرمی سکزنجی (الفتح) یکرمی طقوزنجی
(التوبة) اوتوزنجی (المائدة) واونوز برنجی (الفاتحة)
بعضیلری مائدهنی توبه اوزرینه تقدیم ایدر و فاتحه
شریفه ایکی کرم نازل اولدی برکرم مکه ده و برکرم

مدینه واک اول نازل اولان سوره بر روایت کوره دخی
فاتحه شریفه و سکره سوره اقرادر واک صکره نازل
اولان بر روایت کوره (الیوم اکملت لکم دینکم) آیت
شریفه در.

اشته بو ترتیب اوزره نازل اولان قرآن جز اون
دوت سوره در وانی بیک الیور الشمس الی آیت اولدینی
دخی متفق علیهم در.

{ قرآن کریمک بحث ایتدیکی شیاری }

قرآن کریم باشلوجه یکرمی یدی شیدن بحث ایدرکه
بونلر در.

(برنجی) جناب حقک صفات کامله یعنی واحد و ندیم
وازی و ابدی و قادر و عالم و سمیع و بصیر و متکلم و خیر
و حکیم و ارض و سماواتی خالق و رحیم و رحمن
و صبور و عادل و قدوس و معی و ممت و غیرلرینی
بیله در.

(ایکنجی) الله تعالی بی حدوث و عجز و جهل و ظلم
و بونلرکی معایب و نقایصین تنزیه ایدر.

(اوچنچى) الله تعالىنك وحدانيتته خلقى دعوت
ومطلقا شرڪدن وياخود شريكك شعبه سى اولان تئليشدن
منع ايدر .

(دردنجى) انبيا عليهم السلامى ذكر ايدر .
(بشنچى) انبيا عليهم السلامى پتله طسايىق وكفر
وبونله ممانل شيلردن تنزيه ايدر .

(التنجى) انديايه مؤمن اوللرى مدح ايدر .
(يدنجى) اديايى منكر اوللرى ذم ايدر .
(سكرنجى) عمومى انديسا اوزرينه ايمانك تا كيدنى
بيلدير .

(طئوزنجى) مؤمنلك منكرلر اوزرينه عاقبة الامر
غلبه ايده چكى وعد ايدر .
(اوتنجى) قيامتك حقيقتى ويوم مذكوره جزاى
اعمالى بيان ايدر .

(اون برنجى) دنياك ذمى وعدم ثباتى بيلدير .
(اون ايكنچى) عقبانك مدحى وثباتى بيلدير .
(اون اوچنچى) اسيانك حل وحرمتى بيان ايدر .
(اون دردنجى) تدبير منزل و تحصيل علم ومعرفت
احكامنى بيان ايدر .

(اون بشنچی) سیاسات مدنیہ احکامنی بیان ایدر .
(اون الذبحی) اللہ تعالیٰ بہ و اهل اللہ بہ محبتہ تشویق
و تحریص ایدر .

(اون یدنجی) واصل الی اللہ اولمہ سبب اولان
شیلری بیان ایدر .

(اون سکزنجی) فاسق و فاجر ایله مصاحبتدن منع
ایدر .

(اون طقوزنجی) عبادت بدنیه و مالیہ ده خلوص
نیتک تأکیدنی بیان و اشعار ایدر .

(یکرمنجی) ریا و سمعه اوزرینه تہدید ایدر .

(یکرمی برنجی) اجمال و تفصیل ایله تہذیب اخلاق
اوزرینه تأکید ایدر .

(یکرمی ایکنجی) بالاجمال اخلاق ذمیمہ اوزرینه
تہدید ایدر .

(یکرمی اوچنجی) حرام و تواضع و کرم و شجاعت
و عفت و سائر اخلاق احسنہنی مدح ایدر .

(یکرمی دردنجی) غضب و تکبر و بخل و جبن و ظلم
و سائر اخلاق قبیحہنی ذم ایدر .

(یکرمی بشنچی) تقوایہ نصیحت ایدر .

(یکر می التجی) الله تعالى حضرتلربنك اسم
شر فلربی ذكر ایدوب خاطر و درو نندن اصلا چبقار مامغه
و عبادته ترغیب ایدر .

درس ۸

{ تورات شریف حقمنده اهل اسلام ایچون }

{ لازمکلان اعتقاد }

و کتابلردن بریدخی توراتدر که حضرت موسایه
نازل اولمشدر فقط شمعی بهودیلرک ونصارانک الارنده
بولسان تورات حضرت موسایه نازل اولان تورات
اولدینغه بزجه برسند صحیح یوقدر وبونلرک تورات
دیدکلری بزم بیلهیکمز کی جناب حقدن نازل اولمش
بر کتاب مستقل اولمیوب حضرت موسانک تصنیف
ایتدیکی برنجی سفر التکوین ایکنجی سفر الخروج
اوجنجی سفر الاخبار دردنجی العدد بشنجی سفر الاستنا
نامان کتابلرک مجموعیدر وبونلرک الارنده بولنان توراتده
یانکز احکام شرعیه بیان اولمش اولوب عواقب ونتایج
عبودیتیه و احوال جنت وجهنمه وسائر امور باطنیه و آخریه
متعلق بر حرف بیله یازلامشدر .

{ انجیل شریف حقننده اهل اسلام ایچون }

{ بیلنمی لازم کلان اعتقاد }

وانجیل حضرت عیسیایه نازل اولمشدر فقطط
طوائف نصارانک یدلرنده بولنوب اساس دین انجیلاذ
ایلدکلری و ناجیل اربعه تسمیه ایدرک بین الناس نشر
واعلان ایلمکده اولدقلری درت عدد کتابلر قرآن
عظیم الشانده ذکر اولان وجبریل امین واسطه سبایه
عیسی علیه السلامه کوکن نازل اولان اصل انجیل
شریف دکلدر .

وبو اناجیل اربعه یی متی و مرقس و لوقا و یوحنا
نامان درت نفر کسه لر حضرت عیسانک حال و شاتی
بیان ایچون تاریخ قیلقلو تألیف ایتمشلردرکه بولنردن
متی حضرت عیسانک سمایه عروجندن اون ایکی و لوقا
الشمس اوج و مرقس الشمس الی و یوحنا طمسان سکر
سته صکره تألیف ایتمشلردر .

و بوده ینه نصارانک کندی کتابلرنده مسطور
اولوب بویله جه تصدیق ایدرلر و بولنردن مرقس

ایله لوقا حضرت عیسانی اصلا کورمالمش ومتی ایله
یوحنا علی روایة النصاری حواریوندن ایمش و بودرت
انجیلدن بشقه دها چوق انجیل نامنه کتابلر وار
ایدیسه ده حضرت عیسایک سمایه عروجندن ایکوز
سنه صکره پاپاسلرک اتفاقیه قصورلری محو ایدیله رک
بودردی ابقا اولمشدر و بواناجیل اربعه مجهول
الماهییه ملکوت السماء لفظی ایله محاورات قوم یهود
ایله ملولدرلمش و بونلرده ضرورات دینییه واحکام
شرعییه دائر هیچ برشیئک حال وشانی ایضاح و بیان
قلنامشدر والحاصل اصل تورات ایله انجیل حضرت
محمد صلی الله علیه وسلمک بشلرندن اول ضایعدر
و موجود اولانلر روایات صحیحه و کاذبه بی جامع ایکی
کتاب منزله منده در یوقسه عصر سعادتیه قدر
طوغروسی وار ایدیده صکره تحریف اولدی دیمیز
اشته بوتاریخ و رساله لر قرآنده مذکور اولان تورات
وانجیل اولمدقلری جهتله روایات میساننده قرآنی
تصدیق ایدر روایت وار ایسه عندمزده مقبول
و تکذیب ایدر وار ایسه مردوددر و تصدیق و تکذیبندن
ساکت اولورسه بزدخی ساکت اوله رق انی نه تصدیق

ونده تکذیب ایدرز قرآن کریمه مذکور اولان انجیل
حضرت عیسیایه وحیاً نازل اولان کلامدن عبارتدر
یوقسه درت کشیک تألیفی اولان انجیل اربسه
دکدر .

{ زبور و کتب منزله سائر دیه دائر معلومات }

وزبور حضرت داود علیه السلامه نازل اولمشدر
فقط یهودی و نصاریک الرنده که بولنان زبورک حضرت
داود نازل اولان زبور اولدینی بزجه مثبت دکدر و بولرله
برابر هر قدر زبور حضرت داود نازل اولمش ایسه ده
ادعیه دن عبارت اولسی جهتیله اولدخی حضرت موسانک
شریعتیه عاملدر .

وانجیل دخی قصص و متشابهاندن عبارت اولدینی
جهتیله اکثری عماده حضرت عیسی دخی تورات ایله حامل
وانی تأیید و اکمال ایله مأموردر و پیغمبران سائر دیه دخی
صحف و کتب نازل اولمش ایسه ده نسخه صحیحه لری ید
اسلامیانه موجود دکدر .

و یهودی و نصاری یدلرنده انبیای عظامه منسوب

بعض کتابلر وار ایسه ده انلرک دخی صحتی ینه تورات
وانجیل راده لرنده در بوماده نلک لایقیله تدقیقی مرادایدنلر
کتب مفصله ینه مراجعت ایلله .

درس ۹

(دوه نچی پیغمبرلره اینامق) حق تعالی حضرتلری
نوع نبی بشردن اولمق اوزره ینه جنس بشره برطاقم مبشر
ومنذر وامور دین ودنیادن ناسلک احتیاجنی بیان ایدر
پیغمبرلر کوندردی وانلرک نبوتی عادلی نقض ایدر
معجزه لرله تأیید ایلدی .

ویغمبرلرک اولی آدم آخری محمد علیهما السلامدر
وانلرک عددینی انجق جناب حق بیلور فقط قرآن کریمده
اسملری ذکر اولنان یکریمی سکیز پیغمبردرکه اسملری
بونلردر (آدم ادریس نوح هود صالح
ابراهیم اسحق اسمعیل یعقوب یوسف
شعیب لوط یحیی زکریا موسی هرون
داود سلیمان الیاس ایوب الیسع ذوالکفل
عیسی یونس عزیر لقمان ذوالقرنین حضرت
محمد علیه السلام) فقط عزیر ایلله لقمان وذوالقرنینده
اختلاف اولندی بعضیلر نبی و بعضیلر ولیدر دیدیلر
ونقدر پیغمبران عظام کلش ایسه جمله سی قبل الهیدن

تباغ و اخبار ایدیحی و صادق و ناصح درلر و پیغمبرلرک
افضلی محمد علیه السلامدر و پیغمبرلر حق تعالی بدن
کندولره اولان امرونهی و جمله احکامی امتلرینه
بیان ایدوب اولاشدیردرلر و جمله سی عقل کامل
صاحبلریدر کرک قبل النبوه و کرک بعد النبوه صغیر
و کبیر کنامدن و کفر و قیاحدن بری و منزه درلر لکن
بهضیلردن بحکمة الله تعالی زله و خطا صادر اولمشدر زله
حضرت آدم علیه السلامک بغدادی یمسی کبی خطا
حضرت موساک قوم فرعوندن برکسه بی ضرب ایدهرک
قل ایتمسی کبی و پیغمبرلر یلانن و خیانتک ایتمکدن
و جناب حتمک اوامر و نواهیسنی کتم ایتمکدن و حماقتدن
بریلردر و پیغمبران عظام حضراتنه مرتبه و مقامنه
تقیصه و یرمیه جک هر درلو عوارض بشریه جاثردو
چونکه عوارض آنلرک عبودیتلرینه و صادق دعوالرینه
و خدادن مبعوث اولدقلرینه والارنده ظه-ور بدن
خوارق عادات (خارق عادت عاده مخالف یعنی انسانک
یابدینی و دنیاده و قوعبولمقده اولان ایشلره مغایر
اولان مثلا حیوانات ایله قونشماق و اغاجلر کندینه
سجده ایتمک و برمغندن صو آقتمق کبی شیلره ذیلور)

حق تعالیٰ حضرت تارینک محض خلقیله صورت بولدیغنه
دالات ایدر زیر بویله خوارقه قدرتلی امرالهی
ایله در نفسلرندن اولسه خستهلق و آچلق و صومزلق
وصیجاقلق و صغوقلق کبی شیلری اوزرلرندن رفع
ایده بیلمورلر ایدی و بومثللو عوارض بشریه انبیاده
یولنسه ایدی ضعیف العقل اولانلر کندولرینه الوهیت
اسناد ایدرلردی و انبیا اصلا مسند نبوتدت عزل اولنمز لر
ویغمبرانک الک آخری بزم پیغمبر من محمد علیه السلامدر
که اندن صکره بشقه پیغمبر کلیه جگدر .

(حضرت رسالتپناه افندمزک اجداد)

(وتاریخ ظهورلری و اولاد و اصحابی)

(وغزواتی)

فخر عالم صلی الله علیه و سام افندمن اسکندر رومینک
تاریخ وفاتندن سکنز یوز سکسان ایکی سنه مرور
ایتد کدنصکره و تاریخ میلادک بشیوز بشنچی سنه سنده
و عام فیله شهر ربیع الاولک اون ایکنجی بازار ایرتسی
کونی مکه مکرمه ده دنیایی شریف بیور مشلردر

نسب شریفلری بوجه اوزره مضبوطدر (محمد بن عبدالله ، بن عبدالمطلب ، بن هاشم ، بن عبد مناف ، بن قصی ، بن کلاب ، بن کعب ، بن لوی ، بن غالب ، بن فهر ، بن مالک ، بن نضر ، بن کنانه ، بن خزیمه ، بن الیاس ، بن مضر ، بن نزار ، بن معد ، بن عد نادر) وعدنادن یوقاروی صحت اوزره معلوم رکدر فقط کافه قبائل عربک نسب وسلسلهلری حضرت اسماعیلہ منتهیدر .

و کعبه نک نظارتی جد بزرگوارلری هاشمک عهده سنده ایدی صکره بوشرف اوغلو عبدالمطلبه انتقال ایلدی و بنی هاشم صاحب نفوذ اولوب قبائل سائر اوزرینه حکم ایدرلر و تصرف مطلوب انارده ایدی و کندولری شریف مکه و ناظر کعبه ایدیلر و بنی امیه دن بشقه عدولری یوغیدی که اوده قریشدن صاحب شوکت برقیله در و اول اراالق بنی امیه مک امیرلری ابوسفیان ایدی حضرت محمد صلی الله علیه وسلم والدولری رحم پاکنده ایکن پدرلری عبدالله حضرتلری لمصاحه مدینه منوره یه کیمش اولمقله خسته لهرق اوراده ترک دنیا بیورمشلر در والد مکرمه لری حضرت (آمنه) دخی زیارت اقربا و تعلقات ایچون مدینه منوره یه عزیت

وبعد الزیاره عودت ایدوب انسانی را هدمه ابوا دیلان
محلده ترك دار دنیا بیورم شد در وسن شریفی سکنه
کیدد که جدا مجدلی عبدالمطلب دخی عزم دار بقا
ایتمکله وصیتلری اوزره بیوک مخدوملری ابو طالب
متکفل خدمت جلیله صاحب رسالت اولدی و پدرلرینک
یرینه قبیله قریشه دخی رئیس اولدی وقافیه قریش
ایله ایکی کره شامه وبر کره جانب یمنه سفر بیوردقلری
مرویدر لکن نفس شامه دخول ایتیموب شامه قریب
محلده بر راهبک خانه سنه مسافر اوله رق کندولری
یهودی لک شرنیدن اجتنابا اوراده قالوب امور
وخصوصنک تسویه سیچون شامه ابوطالبی کوندر شلردر
وسن شریفی یکریمی بش یاشنده اولدینی حالده
اوتوز طقوز یاشنده بولنان حضرت خدیجه رضی الله عنہای
تزوج ایتدیلر و حضرت خدیجه دن بشقه سائر ازواج
مطهره لری دخی وارددر حضرت ابا بکرک کریمه لری
حضرت عایشه حضرت عمرک کریمه لری حضرت حفصه
وام حبیبه و سراریدن ماریه قبطیه کبی ویدی اولادلری
دنیا به کلدی اوچی ارکک و دردی قن اسمی شهریفه لری
(قاسم، عبدالله، ابراهیم، رقیه، فاطمه، ذینب، ام کلثوم)

بولاردن ابراهیمدن ماعداسی حضرت خدیجه‌دن
تولد ایدوب ابراهیم یالکیز ماریه قبطیه‌دن
دنیایه گلشدر و کندولری ارتحال دار بقا بیورمزدن
اول جمله‌سی ترک دنیا ایتشدردر انجق حضرت فاطمه
الهی آی صکره وفات ایتشدردر وجهه‌سی مکة مکرّمه
تولد ایدوت انجق ابراهیم مدینه‌ده دنیایه گلشدر
و کندولری دنما جبل حراده واقع غارده عبادت
اوزره بولنوردی قرق سنه تکمیلنده علامت نبوت
ظاهر اولغه باشلادی و غار حراده عبادت اوزره ایکن
قرق برنجی سنه‌سی رمضانک اون یدنجی کونی (اقرأ
باسم ربک) سوره‌سی جبریل امین واسطه‌سیله نازل
اولدی ونی رسول اوله رق بعث اولندی اول ایمان
ایدن خدیجه وزید بن حارث و علی بن ابی طالب و ابو
بکر الصدیق صکره عثمان بن عفان وزیر و عییده
و عمر بن الخطاب کبی کبار صحابه شرف اسلامیه
مشرف اولدیلر و دین محمدینک ظهوردن قریش
بعضور اولوب حضرت پیغمبره اذا وجفنا قصد
ایدرلرله عملری ابو طالب حمایت و صیانت ایدر ایدی
ولادت باسعادتک الانجی سنه‌سندده عملری ابو طالب

وفات ایتدی و امک و فائندن اوچ کونصکره دخی زوجیه
مکرمه لری خدیجه الکبری ارتحال دار بقایبوردی
وابوطالبک و فائنده ابوسفیان قبیلہ قریشہ رئیس
اولدی و رئیس اولدیغیله برابر سائر کفره قریش ایلہ
بالانفاق حضرت پیغمبره اذا وجفای مزداد ایتدی
ولادتک الی دردنجی سنہ سی اولدقده باذن الله سرور
انبیا ایلہ اصحاب کرام حضراتی متوالیا هجرتہ مبارک
ایلدیلر و مکہ مکرمه ده انجق حضرت رسول الله و ابو
بکر الصدیق و علی بن ابی طالب قالدی و کفره قریش
دار الندوه نام محله برکون تجمع ایدرک حضرت
پیغمبرک وجود سعادتلرینک رفع وازاله سنہ افاق ارا
ایلہ قرار و یردیلر بوقرار جبریل امین واسطه سیله
معلوم سعادتلری بیورلدقده مکہ دن مدینہ یه هجرت
ایلدیلر و هجرتک تفصیلاتی کتب سیرده مسطوردر
و هجرتلری دین اسلامک انتشارینه سبب اولدیفی ایچون
بین الاسلام رأس تاریخ اعتبار اولندی و قبل الهجره
مدینہ نک اسعی یثرت ایدی و بعد الهجره شوکت اسلامیه
کوندن کونه مزداد اولوب بامر الله کفسار ایلہ غزایه
مأمور بیورلدیلر و اهل سیرک بیسانه کوره کندولری

اوتوز غزاده حاضر بولنوب والتمش قدرینه سریه
 کوندردیلر که غزاوت سریه لرك تفصیلاتی کتیب
 سیرده محرر وعصر سعادتده اهل اسلام مکب
 وخیبری و بحرینی ومملکت یمینی واکثر دیار عربی
 فتح وتسخیر ایتدیلر وکلیتلو عساکر ایله بازداشمامه
 طوفان غزایه عزمیت بیوردیلر ایسهده وجود
 سعادتلرینه انحراف طاری اولهرق مدینهیه رجعت
 ایتدیلر وولادت باسعادتلرینک التمش اوچنچی سنه
 دار آخرتی تشریف بیوردیلر وخیبرلی بریهودی
 قاریسینک تسمیمندن متأثراً وفات ایتمش ارالدقلری دخی
 مرویدر.

{ حلیه نبوی }

رنک شریفلری غایت کوزل قرمزیه مائل وبیاض
 وبراق ایدی وباشلرینک بیوکلیکی اعتدال اوزره اولوب
 اوچ دفعه بتون بتون تراش ایتدیرمشلر وقصور وقنده
 صاچلرینی صالیورمشلردر وصاچلرینی صالیوردکاری
 وقنده یاغ سورمک معتادلری ایدی مبارک باشلری
 صاچنی کون آشوری طرایوب یاغ سوررلر ایدی

صاچلری نه قیورجق ونه ده دوز ایدی وجه سعادتلری
مدور و آنلری واسع ولجیه شریفه لری کور وصیق
ایدی ولجیه لرینی سیاه بویامیوب بویامقدن دخی نهی
ایدرلردی و کسوی مبارکلی کبی نه قیورجق نه
سرت ونه یومشاق اولوب سیاه وچوق ایدی اکثری
طرایوب بر قبضه دن زیاده سنی مقراض ایله قیرپوب
مبارک یقلمیله باتلری صاچلرینک اوچلرینی دخی قیرقرلر
ایدی و کرپکارک غایت اوزون و سیاه و قاشلری آچیق
و مقوس و برونلری بر مقدار تومسکلوجه و دندان سعادتلری
سیرکجه و اوک دیشلری غایت براق ایدی و کوزلری
غایت سیاه و بیاضی ایچندن بر قیرمنلیق اولوب صورت
اعتدالده ایدی و مبارک کوزلرینه سورمه چکرلر
واکثر اوقاتده لاجل التواضع یره بقارلر ایدی و کوز
اوچیله هبیج بر یره بقیوب هر نریده بقیق مراد ایدرلرسه
کوزلرینک تمامیله بقارلر ایدی او موزلری بیوک و کردانلری
غایت آن و براق و کوکسلری کنیش و بوینسلری ایله
کوکسلری بر دوزلکنده قوللری و آرشلری و او یلو قلمیله
ساقلری تندوقوی و کوکسلرندن بطن سعادتلرینه دک
اینجه بر قیل اولوب کمیکلری ایری و اللری آیه سیله

ایاغلرینک اتی واسع و بر مقلمی موزون اوزون و وجودلری
نور مجسم کبی ایدی کوکسند و قارتسند قیل اولیوب
وجودلری نه ضعیف ونه ده زیاده جه اتلو و یکانلری
دکیرمی ونه یومری ونه یوفته اوله رق صورت اعتدالده
بولوب مبارک دوداقلری وصف و خیالدن خارج
بر کوزلاکده ایدی و آلت دوداقلری اوزرنده بر خال
لطیف وار ایدی و کمال فصاحت و بلاغت ایله سویلیوب
ایشیدنلر تامیله حفظ ایتسون ایچون سویلر ایکن تائی
دخی ایدرلر ایدی و حتی بعض کره بر قاق دفته تکرار
ایتدکلری دخی اولوردی مبارک سسلری غایت باند
و لطیف ایدی و مبارک الاری فوق العاده یومشاق اولوب
قولتوقلرینک اتی قیلسمز و غایت بیاض ایدی و مملری
و بطن سعادتلری اوزرنده اصلا قیل بوغیدی و کولملری
قهقهه ایله اولیوب تبسم مرتبه سند و بکالری غایت سسز
ایدی مبارک قامتلری اورته بویلی یوکسک اولوب فنط کیم
ایله برابر بوروسهلر اندن اوزون کورینورلردی .

{ کسوة محمدیه }

حجره شریفلرندن طشره حقیقلری وقتده عمامه

شریفه لریله البسه لرینی دوزلدیرلردی و نظافت اوزره بولنش دایما معناد سسینه لری اولوب صحابه کرام حضرتانه دخی باشلوجه تنیه لری بوایدی .

لباس سعادتلرینک بوی مبارک طوبولرندن یوقاری بین الساقین اولوب اوقات عادیه ده بری بیاض بری سیاه عمامه لری و بر قاج عدد بیاض تویلی عراقیه لری اولوب صاریق سز کیرلر وکاه اوزرینه صاریق صرارلرایدی یشیل و آق رنگلو لباسلره میللری زیاده ای دیسه ده سار رنگه لباس دخی کیرلر ایدی و آخر بهالوالبسه لری دخی اولوب بیراملرده و بر ایچی ورونده انی و با خصوص جبه خسر و انیلرینی تلبس ایدرلر ایدی و جمعه کونلری چون دخی ایکی طاقم مخصوص البسه لری اولوب جمعه لرده انلری کیرلر ایدی . صلی الله علیه وسلم

{ اخلاق و سیرت محمدیه }

حضرت رسالتپناه افندمن مال غنیمتدن آلدقلری شیرلی برکون بیلنه نزد همایونلرنده طوردرمه یه رق درحال اصحاب احتیاجه تقسیم ایدرلر ایدی و دوست و دشمندن

هر نه درلو جور و جفا کورسه لرینه عفو بیوردرلر و امور
 دنیو به دن کندو نفسنه متماق برشیء ایچون کسه دن
 اخذ انتقام قیدینه دوشمزلر ایدی و اصحاب کزینه غایله
 حرمت و رعایت ایدوب بالایحباب ایچلرندن بری ذات
 رسالت پناهی لرینی چاغرسه لیک لفظیله جواب ویردرلر
 ایدی و اهل مدینه دن نیجه کسه لک کرله و خدمتکارلری
 بلاستیدان حضور هابونلرینه ککروب بیورک
 یارسول الله دیو دعوت ایلدکده تکلف سرجه اول
 خدمتکارک النیدن طوتوب یالک زجه پیاده اوله رق
 تشریف ایدرلر ایدی و نیجه فقرا و مساکین و اصحاب
 حاجتک ایشلرینی کورمک ایچون بالذات کندولریله
 برابر کیدرک قلب مکسورلرینی تعمیر و احیا و هر صباح
 نمازین قیلدقن صکره اصحاب کزینه ایچکیزده خسته
 و ارمیدر شرف خطابیله سؤال و خسته لری اولدینی
 حالده بالذات عیاده لرینه تشریف ایله اول خسته یی
 تلطف بیوردرلر ایدی .

دائما انا زربوبیت و اسرار الوهیتی فکر و ملاحظه
 ایله متفکر اولدقلری جهتله اکثر اوقات شریفه لری
 سکوت اوزره کچر و بلالزوم تکلم ایلمز و اقتضا ایتمسه

دخی آز سویلرایدی و آز کولر و سوزك اولنی و آخرینی
اسم الله ایله بدأ و ختم ایدر و کمال فصاحت و بلاغت
صاحبی اولدقلرندن چوق معنا و چوق سوزی آز
و کوچك لفظله افاده ایدرلر و سوزله تبسم ایله ابتدا
ایدرلر ایدی کرک دوست و کرک یبانهجی ایله شریعت
شریفهیه موافق صورتده احبانه لطیفه ایدوب امور
و مال دنیا ایچون هیچ کسهیه طارلزلر ایدی فقط
برکمه حقندن عدول و حقسنلنی ارنکاب ایدرسه
اول کسهیه زیاده سیله غمخناک اولورلر ایدی تواضع
هایونلری برکال ایکن و احباب کرام ایله بلا تکلف
اختلاط اوزره ایکن هیچ کسه مبارک یوزلرینه طوغرو
باقغه مهابت جلیله لرندن جسارت ایده من ایدی حیا
و شرم شریفلری مرتبه نه ایده اولوب دنیاده
بولندقلری مدتجه برکله فحشیانه دائر سوز سویلما مشلر
ایدی و احباب جرم و قباحتی خلق ییننده محجوب
ایده چک صورتده صراحة مؤاخذه ایتیموب احسن
وجه و تعبیر ایله عفو و احسان ایدر ایدی و اول آدمک
مرتکب اولدیغی کناهدن بعدازین اجتناب ایتمیچون
انسانی نصیحتده بعض کسهلر شویله برایشده بولنیورلر

ایمیش بو مقوله شایر شرعا ممنوعدر و جهسارت ایدنلر
 آخرتده مسئول و معاتب اولسهلر کرکدر یوللو کلمات ایله
 اول ذلک اسمنی تعیین بیورمیهرق کنایه طریقیله کیفیتی
 ایما وانجق حدود الاهی تجاوازا ایدنلر حقلرلنده بلا
 تأخیر حکم شرعی نی اجرا بیوررلر ایدی وخایه
 سعادتلرلنده هر کسه علی طریق المساوات حرمت
 و رعایت ایدر و انسانی راهده برکسه به راست کلسه لر
 مصافحه (بیراملرده و سائر کونلرده ایکی آدم بر بریله
 کورشدکده تعاطی محبت و مودت صره سنده صاغ لاریله
 طو تشمق معناسنه درکه سنن سنیه حضرت نبویدندر)
 بیوررلر ایدی .

دائما تبسم ایدر کبی کشاده رو ، و نرم دل و لطیف
 سخن اولوب عیب جبر دکل ایدیلر و هیچ بر وقتده
 اهل حاجتی نومید و مأیوس ایتمیوب جواب امید ویررلر
 ایدی و محاسن سعادتلرلنده بولنان ذوات سوزلرینی تمام
 ایتمیجه کندولری سوزه باشلمزلر ایدی غریبلره دائما
 رحم و رعایت ایدرلر و برکسه حضور سعادتلرینه
 کلوب حسب الاقتضا برشی استسه حاضر ایسه درحال
 احسان و عنایت ایدر دکلسه حسن تعبیر ایله انشاء الله اله
 کتوره لم و کوندره لم بیوررلردی .

مدت عمر شریف لرنده اسنه مك وككرمك واحتملام
اولق واقع اولماس ایدی و بولده کیدرکن معتاد
سینه لری اوزره نپك سرعتی ونهده پك یواش یوررلر
ایدی وعهده لرنده واقع وفا و امانت و صدق و استقامت لری
مشرکین عربك یئنده ییله مسلم و مصدق ایدی حتی
حجر الاسعدی محل مخصوصنه قویق ایچون بعث
نبوتدن اول رؤسای قریش یئنده وقوع بولان نزاع
و مخالف حضرت فخر عالمه عرض اولاندقده حجر
مذکور بریوک کلیم ایچنسه وضع اولنوب بالجمله
رؤسای قریش کلیمك هر طرفدن طوته رقی قالدیرملریله
هپسئك معاونتیه و حضرت محمد بالذات کئندولری
حجر مذکور محانه وضع ایتسنه قرار ویرلش و بوقراره
هرکس راضی و مخالف برطرف اولدیغی کتب سیرده
مستطور بولمیشدر .

{ معجزات نبوی }

حضرت سلطان انبیانك معجزات باهره لری بیکن
زیاده ایسهده بز بوراده بر مقدارینی بیان ایده ریز .

(برنجی) یوم بدرده مشرکین طرفه طپراق صاچهرق
منهزم ویریشان ایلدکاری .

(ایکنجی) یارمقلری اراسندن صوچیقاردقلری که
بومواقع متعدده واقع اولمشدر برکرم مدینهده وبرکرم
یوم حدیدهده و برده غزوۀ بواطده .

(اوچنجی) غزوۀ تبوککده ید سعادتلرینی بر
صیزتی اوزرینه قویوب برمقدار کنیدی وجه
سعادتلرینی یقصادقندن صکره تکمیل اردو حلقینک دخی
اورادن سوارلدینی .

(دردنجی) حضرت رسالت افندمن غزای خندق
کونی بر اولچک ارپه و براوغلاق ایله صحابه کرامدن
بیک کشینی اطعام ایستدکلری .

(بشنجی) ابا ابوب انصاری حضرتلری فخرعالم
افندمن ایله حضرت ابا بکری دعوت ایتیش وانلره
وائی برمقدار طعام حاضرلش ایکن اوتوز کشینک دها
چاغرلمسینه امر بیوروب انلرکلوب طویدقدن صکره التمش
کیشی دها چاغریلوب و دها مسکره یتمش کشی دها
چاغریلوب و الحاصل یوز سکسان کشینک اطعام اولندینی .

(التنجی) بر چنای دروننده بر پارچه آتش ایله
صباحدن تا کیجه یه دك ینلر قلوب کیتک اوزره خاتی
اطعام ایتدکاری .

(یدنجی) فتح مکه ده یست شریفه کیردکلرنده هیچ
ظوقرتمسزین الاریده کی دکنک پارچه سیله بتلره استعید
بالله (جاء الحق وزهق الباطل ان الباطل كان زهوقا) دیهرک
اشارت ایتدکجه جمله سنک دوشدیکي .

(سکزنجی) بر کیسه کلوب یار رسول الله بنم قزمی
احیا ایتدکجه بن سکا ایمان ایتم دیوب برلکده قبرینه
کیتدکلرنده حضرت رسول یافلانه دنیایه کلکی تکرار
استریدسک دیو ندا ایدوب قبردنخی استمم یار رسول الله
بن اللهی بابادن و آخرتی دنیادن خیرلو بولدم دیدیکي .

(طقوزنجی) براعمی حضور رسالت کلوب کوزلرینک
آچلمسنی استدعا ایتدکه انلر دخی کیت آبدست آل رایکی
رکعت نماز قیل و (اللهم انی استلک واتوجه الیک بنیک
محمد نبی الرحمة یا محمد انی اترجسه الی ربک ان یکشف لی
عن بصری شفعه فی) کلامنی سویله دیو تمام بیوردکلرنده
فی الحقیقه بر موجب تعلیمات سذیه عمل ایتدکه کوزلرینک
آچلدینی .

(اوتچی) حشم قیله — نندن برقادین هیچ لاقردی
 سویامز برچو جوق کتوردکده حضرت رسالت افندمن
 صو کتوردده رک اغزینی چاقاندیروب وللرینی یق — ایوب
 جوجنی قادیسه ویردیکی وصو ویر دیو امر بیورروب
 صوینی ایچدکده جوجنی مس بیورده رق جوجق درحال
 کسب صحت ایدوب مؤخرأ عصرینک اعقل وارشدی
 اولدینی .

(اون برنجی) برقادین مجنون اولان اوغای کتورروب
 حضرت رسالتدن شفایاب اولسنی اسب قرحام و نیاز
 ایدره رک جناب رسال پناه دخی کوکسنی مسح بیوردقلرنده
 درحال چوجنک اغزندن برطاقم صالیله لر ظهور ایدره رک
 قوسمسی تکمیلده افانت بولدینی .

(اون ایکنجی) انس بن مالک حضرت تلمرنک والدیه سی
 اوغلو ایچسون دعا ایتلمرینی حضرت رسالتدن نیاز
 ایدوب حضرت فخر کائنات دخی انسک مالی و اولادینی
 تکثیر ایت دیو دعا بیوردقلرنده حضرت انس بی حساب
 ماله مالک و ولدینک ولدی حسابیله یوز قدر اولاده
 صاحب اولدینی .

دها نیجه نیجه معجزات باهره لری وار ایسه ده

معلومات تفصیلیہ آلتی استیان کتب مطولہ یہ مراجعت
بیورہ .

{ حکمت بعث نبوی }

حضرت رسالت افندمزاك ظهورلری بر مقتضای
حکمت سبحانی ناسك طریق مستقیمہ اہتدایہ اشداحتیاج
ایله محتاج اولدینی وقته تصادف ایتدی شویله که
اهالی دنیاك بر قسم اعظمی یعنی صرب واورویانك
طرف شمالی اہالیسی و آسبانك چین و نانا رستان حوالیسی
و آفریقانك سواحل شرقیہ وغربیہ سی بترہ پرستش
ایدرلر و عجملر ایکی اللہہ عبادت ایتدکری کبی انالرنی
وقزلرنی و طئ ایدرلر و ترککر تحریک بلاد و تعذیب
عبادن خالی اولمزلر و هندلولر اوکوزہ عبادت و حجر
و شجرہ سجدہ ایدرلر ایدی و یہودیلر دینلرنی اکاذیب
و مفتریات ایله طولدرمش و طوائف نصارا ایسه اللہی
اوج طمانیق و خاچہ عبادت ایتک کبی بر طاقم عقائد
فاسدہ ایله دینلرنی قارشدرمشلر ایدی جناب حکیم
مطالع جل و علا حضرتلری استہ طوائف مذکورہ مک
بطلان عقایدینی اظهار ایچون حضرت محمد صلی اللہ

علیه وسام افندمری بعث ایلوب طریق مستقیم کوستردی
السلام علی من اتبع الهدی .

(چهاریارکزین) حضرت پیغمبردن صکره بین الامة
افضل ناس حضرت (ابابکر) در اندن صکره حضرت
(عمر) صکره حضرت (عثمان) اندن صکره حضرت
(علی) صحابه کرامک جمله سی صدق اخلاص ایله
جناب - نقه عبادت استیلر و بزلر دخی بر بردن فرق
ایتمه رک جمله سی سوزر و جمله سی خیر ایله یاد ایدرز .
(رضوان الله تعالی علیهم اجمعین)

وحضرت عایشه افضل نساء مؤمنیندر :

حضرت ابابکر (رضی الله عنه) خلافتلری ایکی
سنه اوچ آی یکر می کون اولوب بومدت ظرفنده
عجمستانک بعض محالری و بصره و دمشق و سوریه
ولایتدن دها بعض نواحی فتح و تسخیر ایلدی حضرت
ابابکر اسم شریفلری (عبد الله ابن ابی قحافه) در
وهجرتک اون اوچنجه سنه سنه جهادی الاخرک یکر می
ایکینجه جمعه کیجه سی بین المشاء والمغرب وفات ایدوب
جنب رسول الله دفن اولندی .

حضرت عمرک (رضی الله عنه) خلافت لری اونسنه
آئی آی درت کون اولوب بومدت ظرفنده سوریه ولایتی
حلب ولایتک نواحی و ملحقاتی و توابعیله برابر جمع
ممالک مصریه یی و نوبه ولایتی و طرابلس غرنی و اورفه
و دیار بکر و جزیره و حوالی و نواحیسنی و بلاد فارسی
و ولایت مغربدن خلیجی محللری فتح و ضبط ایتدیله هجرتک
یکرمی اوج چچی سنه سنده ذی الحجه تک یکرمی التجی
کونی صباحین مغیره بن شعبه تک فیروز اسمنده برکوله سی
مسجدده نماز قیلارکن اوج برندن مجروح اینمکله -اخ
ذی الحجه ده متأراً وفات ایتدی و ابی بکر الصدیقک یانسه
دفن اولندی .

حضرت عثمان (رضی الله عنه) اونسنه ایکی
آی اونسکزرکون خلافت ایدوب بومدت ظرفنده
طرف غریبیدن حدود فاسه و طرف شرقیدن حدود
چینه یه قدر اکثر ممالک و بلدان ایادی اسلامیه کچدی
هجرتک اوتوز بشنجی سنه سی ذی الحجه تک اونسکزنجی
کونی بعد الصلاة خانه سعادت لرنده اوتوروب مصحف شریف
تلاوت ایدرکن و سورة آل عمران دن استعین بالله (الذین قال لهم
الناس ان الناس قد جمعوکم فاخشوهم فزادهم ایمانا

وقالوا حسبنا الله ونعم الوكيل) آيتى او قوركن زمره
بنامن سواد حجران اصبحى ورومان بن سرهان
كروب شمشير وختجر ايله اوره رق خون شهادتلى
(فسيكفيكم الله وهو السميع العليم) آيتى او زرينه
ملاامشدر بعدالمصر وفات ايدوب بقيعه حن كوكب
نام محله دفن اولنديلر .

حضرت على (رضى الله عنه) درت سنه اون آي
بركون خلافت ايدوب انلك وقت سعادتلرنده صفين
ونهران محاربلى كى تفرقه شوكت اسلاميه سبب
اولان وقايع متعدده نك فله وورى اعلان كلة الله
ايچون فتح ممالكه ميدان ويرمدى ايسه ده ذات شريفلى
اومدت ظرفنده دين ميين اسلاميه نك بك چوق خدمات
مبورده سنده بولنديلر حضرت على بن شهيد ايندن ابن
مايجم لعنه ايدى ارقدانلى دخی برك بن عبد الله
التميمي وعمر و بن بكر السعدي ايدى بولردن برك
معاويه بن وعمر و بن بكر عمر و بن عاصي قتله متههد
اولشدر ايسه ده اولر موفى اوله ميهرق يالكيز ابن مايجم
لعنه اجراي خبانته ميدان بولمشدر حضرت عليك
مرفدى بعضيلر كوفه ده بعضيلر نجفده در ديرلر

کندولری وقاتلرندن اقدم مزارلر بئلك ستر اولمئسنى
 حسين افنديار مزمه وصيت بيور مشارد در هجرتك قرقيجى
 سنه سى رمضانك يكر مى برنجى جمعه كيجه سى ياره لنه رق
 اوچنجى بازار كيجه سى وفات ايتمشلرد در حضرت عليك
 اوتوز التى اولادى وجوده كلوب اون سكزى اوغلان
 اون سكزى قزدر كندولردن مسكره امام حسن امام
 محمد حنفى ابوبكر محمد اصغر عمر عثمان عون
 جعفر عبدالله عباس قلوب بونلردن آلتيسى كر بلاده
 امام حسين ايله شهيد اولمشدر و امام حسن ايله امام
 حسين حضرت فاطمه دن وجوده كلكلرى و حضرت
 رسالتنامه افدمزك حفيد مكرملىرى بولندقلرى جهتمله
 سائر اولادندن افضلدرلر و اون ايكي امامك برى امام
 حسن اولوب قصصورى امام حسين اولاديدر كه بروجه
 زير تعداد اولمئور امام حسن بن على امام حسين بن
 على زين العابدين بن حسين محمد باقر بن زين العابدين
 جعفر صادق بن باقر موسى كاظم بن جعفر صادق
 على رضا بن موسى كاظم محمد تقى بن على رضا على الهادى
 بن محمد تقى حسن عسكرى بن على الهادى محمد مهدي
 بن حسن عسكرى .

حضرت ابا بکر جناب رسالتہ کریمہ لری عایشہ صدیقہ بی
و حضرت عمر کریمہ بی حفصہ بی و یردیلر و حضرت عثمان
فخر عالم افندیمرک کریمہ بی رقیہ و انک و فائندہ دیگر کریمہ لری
ام کلثوم، تزوج ایتدیلر و حضرت علی جناب رسالتہ اب
افندمزلک عمرزاده لری اولدینی کی کریمہ محترمه لری فاطمه بی
دخی تزوج ایتدیلر و حضرت عمر حضرت عاینک حضرت
فاطمه دن متولده ام کلثوم نام کریمہ بی تزوج ایتدیلر .

(بشنچی آخرته اینامقی) اولدکن صکره جمع
اجزای اصلیه سیله انسان دیر یله جکدر و روح جسده
اعاده قلنه جقدر و حساب و میزان و جنت و جهنم
و شفاعت انبیا و عذاب و صراط و کوثر و سؤال منکر
و نکیح و هر کسک دفتر اعمالنک اوقونمسی حقدر و آخرت
زمانی نهایتسز بر زماندن عیسارنددر و یوم آخرتدن
مراد جمع موتا تکرار احیا اولنوب هر کسک قبرلرندن
قالقمسی و جمله سی میدان محشرده جمع اولمسی و دفتر
اعماللرینک یدلرینه و برامسی و محاسبه اولنمسی و سیائب
و حسناتنک وزن اولمسی و صراطدن کچیلمسی و اهل
جنت جنته و اهل جهنم جهنمه ~~کیروب~~ ثواب ایدی
و عذاب سرمدی نی کورملر بدر .

ميزان ديمك عمللرك مقصداريني تعيين ديمكدر
 مسح سنى جناب حق بيلور بز مؤمنه كناه ضرر
 ويرمن وجهنمه كيرمن ديمز وديسادن مؤمن ايكن
 فاسق اوله رق جيقسه ده ينه مؤمن اولان جهنمه مخلص
 قانور ديمز و حسناتم مقبول سياقمز موقوفه ديمز
 لكن هر كيمكه اخلاص ونيت و جمع شرائطيله ريا
 وسممه وعجب اولقمسزين اعمالى حسنه ايشلار ايسه
 وكفر وارتداددن بريلنده عمل مذكورى ابطال ايتزه
 (ارتكاب كبائر اهل سنت عنده طاعانى افساد
 و ثوابى ابطال ايتز) دنيسادن مؤمن اوله رق جيقدينى
 حالده الله تعالى حضرتلرى انك عمالى ضايع ايتز
 وبلهكه قبول ايدوب آنى مثاب ايدر.

وشرک و كفر غيرى اوله رق سيئات ايشليوبده
 سيئاتندن توبه ايتمه رك فسقه مصر و فقه مؤمن اولدينى
 حنده وفات ايدرسه اول فاسق مشيت الهيه مخلص
 ديلرسه عدلى اجرا ايدرك نارايله معذب ايدر صكره اخراج
 ايدر و ديلرسه عفو ايدر اصلا آنى نارايله معذب ايتزه
 و بر عملده ريا (الله رضاى ايجون اولمبوب بلهكه
 ناسك حسن نظرينى قزاقمق ايجون عبادت و اعمالى

اظهر ايتمك) اولديني وقتسده ديا اول عملك اجرني
ابطال ايدر و كذلك عبيده (ناسك حسبي نظريني
قزائقي همچون اولمبوب اللهك امري ادا و اجرا ايتمك
ايچون ايسده اكن كندی اعمالني تذكر ايدوب مغرور
اولق) ابطال ايدر .

والله تعالى دار آخرتده كوريلور و مؤمنلر جنتدن
كورلريله جناب حق هيچ بر شيئه بكمزديكي و كيفيتدن
عاري اولديني حالده كوررلر .

ويوم آخرتده هر كسك دشمنلريله حساني رؤيت
اوله رق قصاصلري اجرا اولنه جقدر و مظلومك ظالمن
حق اله جقدر و عدالت الهيه بريني بوله جقدر .

و جنت يعني دار ثواب و نار يعني دار عقاب دائمدلر
و البوم مخلوقلدرد و جناب حقمك عقاب و ثوابي هيچ
بر وقتده فنا بولمز .

والله تعالى ديلديكنه فضليله هدايت احسان ايدر
و مخذولك معصيت اوزرينه عقوبتي حقدرد و عدلدر
بونده ظام يوقدر زيرا ظام مخلذك غبرييه وضع اولنان
شيده اولور الله تعالى ايسه ملكنده تصرف ايدر
غيريده دكل و قبرده روحك جسده اعاده سي حقدرد

وارادت و قدرت و کسب و سائر اوصاف و اخلاقه
 یازم شد و بلا وصف و بلا سبب و وقوعه حکم
 مجرد ایله برشی یازمدی مثلا زید مؤمن اولسون
 و عمر و کافر اولسون دیو یازمدی اگر بویله یازسه ایدی
 زید ایمان اوزره و عمر و کفر اوزره مجبور اولمق لازم
 کلوردی و بوصورته جناب حق قوللرینه ظلم ایتمش
 اولوردی حاشا زیرا الله تعالی وقوعیه حکم ایتدیکیه
 اوایش البته واقع اولور ولیکن یازدی که زید اختیاریه
 و قدرتیله مؤمن اولور و ایمانی مراد ایدر کفری مراد
 ایتمز یازدی که عمر و اختیاری و قدرتیله کافر اولور و کفری
 مراد ایدر ایمانی مراد ایتمز .

وقضا و قدرت و مشیت جناب حقك ازله بلا کیف
 صفاتیدر .

الله تعالی معدومی حال عدمنده معدوم بیلور وانك
 نصل موجود اوله جغنی ده بیلور و موجودی حال
 وجودنده موجود بیلور وانك نصل فانی اوله جغنیده
 بیلور قائمی حال قیامنده قائم بیلور و اوتوردیغی و قنده
 آنی حال قعودنده قاعد بیلور علمی تغیر ایتمکسزین
 و یاخود دهها اکا یکیدن علم کلمکسزین چونکه تغیر

واختلاف مخلوقده اولور الله تعالى اشياي علم قديم
ازلیسیله بیلور عام متجدد ایله دکل و اشیا نکل تغیر
واختلاف وحدوثیله علم الله تغیر ایتمز علم الله واحد در
معاومات متعدده در جناب حق خالق سلیم یعنی دنیاده
کسب ایتمد کفری کفر و ایمان دن خالی اوله رق خلق ایتمدی
صکره عقل ایله بلوغ لرنده ایمان و طاعت ایله امر و کفر
و عصیان دن نهی ایتمدی صکره فعل اختیار سی و انکار
و عناد ایله کافر زمره سنه لاحق اولدی و اشته بو انکار
و وجود انلرک خذلاننه سبب اولدی و فعل اختیار سی
و لسان ایله اقرار و قلب ایله تصدیق ایله ایمان ایتمدی و اقرار
و تصدیق الله تعالی نکل اکا توفیق و نصرت نه سبب اولدی .

و نوع بنی بشر آدم علیه السلامک صابندن چقد یغله
جناب حق انلره عقیل و یردی و ایمان ایله امر و کفر دن
نهی ایتمدی و آنک ربوبیتنی اقرار ایتمدی لر و بونلر ایچون
اول اقرار ایمان اولدی اشته ذریت آدم بو فطرت
ایمان اوزره تولد ایلر لر بوندن صکره کافر اولانلر ایمان
فطری بنی بعد البلوغ اختیار لر ایله اکتساب ایتمد کفری
کفر ایله تبدیل و تغیر ایتمدی لر دار تکلیفه خروج و عائل

اولدقد نصكره ايمان وتصديق ايدنلر يوم ميثاقده حاصل
اولان ايمان فطريلرى اوزرينه ثابت ومداوم قالديلر
والله تعالى كفر وايماني عبدك قلمبنده جبر واکراه طريقتيله
خلق ايتمز بلکه عبدك اختياري ورضاسي و محبتي ايله
خلق ايدر **ك**ورمز ميسك که ايمان مؤمنه محبوبدر
و کفر مکروه ومبغوض ومنفوردر و کافره ايسه عكسيدر
ديمک که هرکس طرئدينى طريقدن ممنون وانى رضاسيله
ايدنميدر والله تعالى خاق ايمان کسي ايله مؤمن ويا کافر
خاق ايتمز بلکه الله تعالى اشخاص خلق ايتدي کفر
وايمان عبدك افعاليدر والله تعالى حال کفرنده کافرى
کافر بيلور و بوندن صكره ايمان ايدرسه حال ايماننده
آنى مؤمن بيلور واکا محبت ايدر علم وصفتي تغير
ايتمکميزن حرکت وسکوندن اولان جميع افعال عباد
حقيقه عبادك کسيدر والله تعالى اول حرکت وسکونک
خالقيدر جمله سى الله تعالىنک مشيتى و علمى وقضاسى
وقدريله در و عباد اوزرينه واجب اولان عبادات کليسى
الله تعالىنک امريله و محبتيله و رضاسيله و علميله و مشيتيله
وقضا و تقديريله در .

ومعاصينک کليسى الله تعالىنک علمى وقضاسى و تقديرى

و مشیتی ایله ایسه ده محبتی و رضاسی و قضاسی و تقدیری
و حکمی و تخلیقی و علمی و توفیقی و لوح محفوظه کتباتی
ایله در اما قضائل امریه اولمیه لکن مشیتی و محبتی
و رضاسی و تقدیری و حکمی و علمی و توفیقی و تخلیقی
و لوح محفوظه کتباتی ایله در و اما معصیت الله تعالی نیک
امریه دکلدر لکن مشیتیه در محبتیه دکلدر قضا سیه در
و رضاسیه دکلدر لکن تقدیریله و تخلیقیله در و توفیقیله
دکلدر لکن خذلانیله یعنی احکام عون و نصرتی ترک
ایتمسیه در و علمی و لوح محفوظه کتباتی ایله در .

اراده جزیه

والله تعالی قوللرینه فعل ایشله مکه ویردیکی قدرت
فعل ایله بیله در فعلدن اول و صکره دکلدر اگر قدرت
فعلدن اول اولسیدی قول وقت حاجتده الله تعالی دن
مستغنی اولق لازمکلوردی اگر قدرت مذکوره فعلدن
صکره اولسیدی محال واقع اولوردی زیرا قدرتسز
و طاقتسز فعل حاصل اولق لازمکلور بوایه محالدر
و قدرتک فعلدن اول اولمسی دخی کذلک محالدر و انسان

افعال اختیاریه سنده اراده جزئیہ سی بر مقدور جابنہ
 صرف ایدوب کاسب اولور واللہ تعالیٰ اول مقدوری
 خالق ایدوب مقدور مذکور دخی قدرت تحتندہ داخل
 اولس اولور اشته بوسیلہ عبدک قدرنی کاسبہ واللہ
 تعالینک قدرتی خالقہ در وذات الوہیتدن ظہور ایدن جمیع
 افعالی عالم وارادہ ازلیہ سنہ موافق اولہرق اسبابہ ربط
 وتعلیق بیورمشدرکہ بر ارتباطہ حکمت الہیہ سنہ مبذور
 اللہ تعالیٰ افعال عبادی خالقہ در جمیع موجوداتک خالق
 اولدر اندن شیرى خالق یوقدر لکن عباد ایچون
 اختیارات جزئیہ وارادات قلبیہ واردکہ طاعانہ ومعاصی بہ
 تعلق ایتیمکہ قابلہ در و بوارادات جزئیہ نک خارجہ وجودی
 یوقدرکہ خالق وایجادہ محتاج اولہ زیرا خالق معدومی
 ایجاد ایتیمکہ دیرلر برنسنہ کہ موجود اولیہ مخلوق دخی
 دکلدر اولہ ارادہ جزئیہ بی مراد ایدن خالق اولق لازم کلز
 اللہ تعالیٰ عبدہ در بوارادہ جزئیہ بی عبدک افعال اختیاریه سی
 خلق وایجاد شرط عادى قلزمشدر و افعال عباداللہ
 تعالینک علمى وارادہ سی وتقديرى ولوح محفوظہ کتبى ایلہ
 اولسنى افد'لک عبدہ در صدورى جبرایلہ اولسنى افتضا ایتز
 وبالجملة اللہ تعالیٰ عبدک فعلى خالقہ در وعبدک سبدر تحقیق

بود که عبد قدرتی و اراده‌سنی فعل جانبیه صرف ایتمه که
کسب دیر لر بو صرف عقیبنده الله تعالینک فعلی ایجاد ایتمه
خالق دیر لر مقدور واحد ایکی قدرت تحتیده داخل اولمان
اولور لکن جهتله مختلفدر یعنی بر فعل مقدور الله در ایجاد
جهتیه مقدور عبددر کسب جهتیه و بعضیلر فرق ایدوب
دیر لر که کسب آلت ایله واقعدر خلق آلت ایله دکلدر و کسب
محل قدرتمه واقع خلق محل قدرتمه واقع دکلدر و کسب
ایله قادر منفرد اوله من اما خلق ایله قادر منفرد اولور لکن
عبدک صرف قدرت ایتمه کسب دیدکلری الله تعالی فعلی
خالق ایدرسه در اکر ایتزه کسب دینمز کسب ذاتا خالق
اوزرینه مقدمدر اما و سفا مؤخردر اشته بو ذکرا اولنان
مسائل اعتقادیه اهل سنت و جماعتک سالك اولدیی
مذهب حق اوزره در.

{ اعتقادده صاحب مذهب بولنان ابو منصور }

{ ماتریدی ایله ابو الحسن اشعرینک }

{ تاریخ ظهورلری }

اعتقادده امامز ابو منصور ماتریدی (محمد بن محمود) در که

بخاراده کائن سمرقنده ظهور ایتشدر اهل سنت اعتقادینی
 احیا ایتکه سعی جمیل ایدوب اهل بنی و ضلالی رد
 و الزامده کتب عدیده تصنیف ایتشدر اوچیوز اوچ
 سنه سنده سمرقنده رحلت ایلدی و کندولری حنفی
 مذهبدر و ابوالحسن (علی بن اسماعیل) الاشعری که ابوموسی
 الاشعری نسلندندر اولدخی اهل سنت و جماعتک رئیس لرندن
 و امام لرندندر و بصره ده تولد ایتشدر و شافعی مذهبی
 اوزره در امام ماتریدی ایله اختلافلری انجق بر قاج
 مسئله ده در اوچیوز یکرمی درت سنه سنده وفات ایتشدر .

{ باب العمل }

(عمله یعنی مسلمان اولان کسه نك یامیسی لازمکلان
 شیلره دائر مسئله لر) عمله دائر اولان مسئله لرده باشلوجه
 ایکی قسمدن عبارتدر بر قسمی سیاسیات و قسم دیگر
 عبادات و طاعاتدن بحث ایدر بز بوراده برنجی قسمدن
 بحث ایتیرهك يالکیز ایکنجهی قسمی بیان ایدرز .

{ اوامر و نواهی نك تعریفی }

معلوم اوله که عمل اوچدر (فریضه ، فضیله ، معصیه) در

فريضه جناب حَقِّك فرض ايتديكى عمللر ايله واجبلر
وفضايه سنت و مستحب و معصيت حرام و مكروه كې
شيلردر .

(فرض) اولدر كه انى الله تعالى بيورمش و شهباسز
دليل ايله بللو اولمش اوله آبدست ائق و جنبلكدن غسل
ايتك و بش وقت نماز قيلمق و رمضان اورجن طوتمق
وزنكىنلر ايجون زكات و يرمك و حج ايتك كې .

(واجب) اولدر كه انى الله تعالى بيورمش لكن
شهباسز دليل ايله بللو اولمش اوله يعنى اول دليلك دلاىتى
قطعى اوليه بلكه آخره احتمالى اوله و ترغازى قيلمق و غنى
اولانلره قربان بيراننده قربان كسمك و رمضان بيراننده
فطره و يرمك كې .

(سنت) اولدر كه رسول الله صلى الله عليه وسلم انى
اكثر زماننده ايشلمش اوله مسواك طوتمق و جماعت ايله
نماز قيلمق كې .

(مستحب) اولدر كه رسول الله آنى برىا ايكي يادها
زياده كرم ايشلمش اوله اما اكثر حالده ترك ايتمش
اوله نافله نماز قيلمق و نافله اورج طوتمق و نافله صدقه
و يرمك كې .

(حرام) اولدرکه الله تعالى اندن دليل قطعی ايله
نهى ایتمش اوله ناحق یره آدم اولدرمك خنزیراتی یمك
وزنا ایتك و شراب ایچمك کبی .

(مکروه) اولدرکه الله تعالى اندن دليل قطعی ايله
نهى ایتماش ایسه ده نهیئی اشراب ایدر آناز واستدلالات
بولنوب ونهى اوزرینه دخی اجماع امت و اتفاق علما
واقع اوله آت اتی یمك و توتون ایچمك کبی .

مسلمان اولان کسینه بالاده اعتقاد بخشنده ذکر اولنان
الهی شیئه نفرمانیله برابر ایناقدنصکره آتی لذکر بش
شرط دخی کند و سنده بولماید .

(برنجیسی کلمه توحیدی تکلم ایتك) یعنی (لاله
الا الله محمد رسول الله) دیکدر معناسی جمیع ماسوادن
غناء مطابق ايله مستغنی و جملة ماعدا اکا افتقار کلی
ایله مفتقر کسینه لر یوقدر الحق برالله تعالى واردر
و حضرت محمد دخی او برلکینی اعتراف ایتدی کمز جناب
حقك رسولی و ایله چیسدر .

(ایکنه جیسی نماز قیلحق) نماز فرض اولدیغنی
اثبات ایدن پك چوق آيات کریمه واحادیث شریفه
واردر و قرآن کریمده مذکور صلاتدن مراد بش

وقتده هیئت مسنونہ اوزرہ ادا اولن ان ارکان معلومہ
و مخصوصہ در .

نمازہ باتلمزدن اول نماز قیله حق مسلمانه یدی شی
فرضہ در (برنجیسی حدندن طهارت) یعنی جنب و یا
ابدستہ سزا کدن تمیزلنک بعدہ وضو بولنوب استعمالنه
قدرت اولان محله غسل لازم اولدیه غسل ابدست
لازم اولدیه ابدست المق وضو بولنوب یا خود استعمالنه
قدرت اولیان محله دخی تیمم ایتمکدر .

(غسل ایتک) غسلک فرضی اوچدر برنجی اغزی
ایکنجی بورنی اوچنجی سائر برنی بیقمامق بو اوچی
بیقاندقدہ انسان پاک و طاهر اولور فقط مسنون اولان
یعنی سنت شریفہ اوزرہ اولان طهارتده اولالترینی
بیقایوب استنجایر لر برنی وسائر محله نجاست واریسه
اورالری پاک ایدوب و ابدست الدقدنصرکہ جمیع اعضایی
اوچر کرہ بیقمامتدر و برنجی دفعہ سنده الیه اومق دخی
سنتدر (غسل ایجاب ایدن حالدر) منینک شهوتله محندن
قویوب عضو معهوددن چیقیمی سنت محلات حی اولان
انسان بانک یا بلوغه قریبک شهوت محلاترینه دخولی
عورتلرک حیض و یا نفاسلرینک تمام اولمسی طوننده و یا
کو ملکنده منی بولمسیدر .

(ابدست الموق) ابدستك فرضی درتدر برنجی یوزنی
 ایکنجی الارینی دیرو سکرلیله برابر ییتقامق اوچننجی
 باشنك درت بلوکنده برینی مسح ایلمك دردنجی
 ایقلرینی طوقلریله برابر ییقاق (صورت) مسنونهی
 بسمله ایله الارینی ییقایوب مساوکلند کدنصکره اغزینی
 و بورنی اوچر کره ییقایوب بعده صرمسیله باشنه
 مسحدن ماعداسنی اوچر کره ییقاق و بعض وقتده
 باشنی تمام مسح ایتمك و پرمقلمینك و صقالینك
 ارالرینی خلاللامق و قولاقلمینك ایچی شهادت
 پرمغنك ایچی ایله واردینی باش پارمغنك ایچی ایله
 مسح ایتمکدر ودخی باقی قلان اوچ پارمقلمینك ارقه سیله
 بوینی مسح والارنده وایاقلرنده صاغ یانندن باشلق
 مستحیدر .

ابدستی بوزان شیلر اوکدن ویا ارددن چیتان شی
 ارددن کلن یل وهر عضودن چیتان قانك وایرینك
 و صاری صویك اقسى واغز طولوسى (بلغم اولورسه
 ضرری یوقدر) قوصمق عادتاً ویاخورد طیانونوب
 (طیاندینی شی الندقده دوشرایسه) اویومق بایلمق
 سرخوش اولمق نماز اراسنده یاخنده اولان کسمنه

ایشیده جک قدر کولسی بالغ اولان کیمسه نك آلت تناسلنك
 آخر کیمسه نك شهوت محملرینه طوقونسی .
 ایاق قابیری اوزرینه مسح ایتک کرک مست و کرک
 مست کبی طپوقلرینه قدر ستر ایده جک و ایچروسندن
 صوچکیمیه جک سسائر ایاق قابیری اوزرینه مسح جائزدر
 ایاقلرینی ییقایوب مستلرینی و یا ایاق قابیلرینی کیسان
 کمنه دن ابدستی بوزاجق برشی صادر اولدینی حالد
 کندی مملکتیده و یا خود مملکتنه یقین بریده ایسه
 و یا خود یولجی اولدینی مملکتده اون بش کون و یا دها
 زیاده اکلنه جک ایسه او ابدستی بوزدینی وقتدن ایرتسی
 وقته قدر مسح ایدر و قره ده یورومکله و دکزده
 اعتدال هوا ایله قیصه کونلردن اویله یه قدر اوچ کونلک
 یرکیدن و برده کیتدیکی محله اون بش کون اکلنه کی
 نیت ایتیان کمنه یولجی دیمک اولمله ابدستی بوزدینی
 وقتدن اوچ کون اوچ کیجه تمامنه قدر مسح ایدر
 و مسحده فرض اولان مستلرک اوزرینه اوچ پارمق
 مقداریدر صورت مسنونه سی ایاقلرینه نك پارمقلری
 طرفندن مستلرک بوغازینه طوغری پارمقلرینی اچارق
 والارینک ایاسنی طوقوندرمه سزین والارینی اشانی یوقاری

حرکت ایتدیر مکسزین بر کر مسح ایتمکدر و مستلرک برندن
بر برده یا بشقه یرلرده طولاً و عرضاً اوچ پارمق مقداری
اچیق اولسه مسح ایتمک جائز اولمز و مست اوزرینه
کیان چزمه اوزرینه ده مسح جائز اولور اگر ایاقلرینی
ییقادینی وقت ابدست بوزلمدن کیوب و چزمه لرده پاک
ایسه و قیرینی و حقیقی و یاره صارغیلرینی چوزوب
التی ییقامتده و یا مسح ایتمکده ضرر اوله جنی معلوم
اولورسه صارغی اوزرینه مسح جائزدر بغلندینی وقت
ابدستلو اولمق لازم دکلدر بر ایاغنده یاره و یا قریق
و یا حقیقی اولوب صارغی اوزرینه مسح ایله او بر
ایاغنک مستی اوزرینه مسح جائز اولمز ییقامق لازمدر
اگر یا لکنز بر ایاغی و یا ایسه انک اوزرینه مسح ایتمک
جائزدر .

(تیم ایتمک) ابدست و یا غسل لازم اولدینی
محلده صوبولنمیوب دوت ییمک ادیم اوزاق اولسه
و یا خود صو از اولوب کندنی و یا حیوانی صوسز
قالسندن قورقسه و یا خود صویه و صلتدن و یا استعمالدن
عاجز اولسه ابدست و یا غسل یرینه تیم ایدوب حدندن
طهارتله مشروط اولان عمللردن دیلدیکنی ایشلر .

(تیم اصولی) تیم ایدہ جک کسہ اولایت ایلہ
 و صکرہ اللریخی بر کرہ طہراق ویا طہراق حینندن بر شیئہ
 اوروب اللری توز اولور ایسہ سیکوب یوزخی قلیو
 مسح ایدہ صکرہ بر کرہ دھا اوروب سول الیلہ صاغ
 الینک بر مقلرینک اوچلرندن دیرسکینہ دک مسح ایدہ
 قولنک ایچنندہ وطیشندہ اسلا مسحدن حالی بر یر قالمیہ
 صاغ الیلہ دخی صول قولنہ بویہ مسح ایلہ واکر
 ابدست الدینی تقدیر جہ جنازہ ویا برام نمازلی فوت
 اولہ جق ایسہ تیم ایلہ قیلنق جائردر و تیم صوی
 استعمالہ قدرتہ وابدستی بوزان شیلر ایلہ بوزیاور .

(ایکنجیمی نجاستدن طہارت) نجاستدن طہارت
 دیک نمازہ مانع اولان نجاستدن پاک اولمقدیر نمازہ
 باشامدن بدنندہ وکیندیکی شیدہ و نماز قیلدینی یردہ
 درہمدن زیادہ یعنی شراب و بول کبی مانع اولنلردن
 ال ایاسندن زیادہ یرہ اصابت ایتدیسہ وقاذورات کبی
 جثلی نجاستہ درہم اغرنندن زیادہ اولورسہ کرک
 طوبی بر یردہ اولسون و کرک بشقہ بشقہ یرلردہ اولسون
 پاک ایلمک فرضدر و دخی نجاست اصابت ایدن شی اکر
 بر قاب ایچنندہ ییقانور ایسہ هر بر دفعہ شہ طہلہ سی

کسیانجه د کین صیقار ق اوج دفعه ییقامغله پاك اولور
صابون و صابون کبی بر شیئه محتاج دکلدن صیقار ق ممکن
اولمیان شیده هر دفعه سنده قورتمق لازم اولور
واسکر اوزرندن صواقار ق ییقامور ایسه صیقار ق
ویا قورتمق لازم دکلدن و بللور شیشه اوج کره ییقامور
اثر نجاست قالمسه پاك اولور و نجاست چیقان یرک
اطرافی در همدن زیاده تجاوز ایدرسه صو ایله استنجا
فرض اولور ساده چیقیدنی یرده اولور ایسه صو ایله
استنجا - نت اولور و ابدست بوزدقدن صکره (استبرا)
واجبدر فقط اولآ آلتنده یاشلق کورنیه جک قدر بر یر
مسح ایتمک صکرده استبرایه مباشرت ایلمک لازمدر
(استبرا) بولدن بری اولمق دیمکدر و بونک اصولیده
کتب فقهیه ده بیان اولمیدنی اوزره صول ایله
صیغالیه رق ظاهر اولان بولی بر مغنک اوجیهله الوب
بر طرفه سیلملیدن فقط بواسطبرای ممالرک حولیسند
ویا خود تنها بر محله ایتملیدن بازار و چارشو کبی
غلبه لک محملرده هر کسه قارشو یا جاملیدن چونکه
حضرت علی صکرم الله وجهه و رضی الله عنه افندمن
(ادب المرأ اولی من ذهبه) بیور مشلدر (کشینک

تربیه‌ای و اهل ادب اولمسی زنکین اولمسیندن خیرلودر (دیکدر اشته انسانک قدر و اعتباری عقل و فراستله اولدینی کبی شرف و افتخاری دخی حیا و حجاب و کمال اداب ایله اوله جفی آکلاشلدیغندن بویله هر کسک نفرتی اقتضا و تعیب و ذمئی ایجاب ایدن شیلردن اجتناب ایتک حاصلی شریعت و اداب و شرف انسانته مخالف اولان افعال کریمه دن صافتمق هر آدمه لازم و خصوصیه اسلامه هر حالده فرض و واجبدر .

(اوجنجی ستر عورت) ستر عورت کوبکی التمدن دیزلرینه قدر اورتمک بر قراکلی کیجهده . دخی لازمدر حرم اولیان عورتلره ارقه سنی و قارنی و یانلرینی دخی ستر لازمدر و حرم اولان خانولره یوزی و الیک ایچی و یاقلرندن ماعداسنی ستر لازمدر و قدرتی اولدینی قدر کوزلجه لباس ایله ادای صلات مستحیدر .

(دردنجی استقبال قبله) استقبال قبله دیک کعبه مکرمه حضور و معاینه سنده اولان کسینه نک عینی کعبه یه و کعبه مکرمه حضور و معاینه سنده اولیان کسینه نک کعبه نک اولدینی جهته یونلمسیدر و قبله نه طرفه اولدینی یله میوب و سؤال ایده جک کسه بولمسه رأی نه طرفه

حکم ایدر سه اول طرفه توجه ایدر نمازك ایچنده ایکن خطای ظاهر اولسه یا خود رأیی بشقه طرفه تحریل ایلسه نمازك ایچنده اول طرفه دوز و نمازی بوزلماز باقیسنی ده دوندیکی طرفه قیلار .

(بشنچی نمازك وقتلری) فرض اولان نمازلرك شرعده وقت معینی وارد در نمازی ادا اولوقتك ایچنده اولوق شرطدر و اندن نمازی حیقارمق جائز دکلدر بر مانعله وقتندن حیققدینی حالدله وقیلدینی صورتده ادا ایتمش اولمز بلکه قضا ایتمش اولور امدی (صباح) نمازینك وقتی اطرافی آچیلدقدن کونش طوغنجیه قدردر (اویله) نمازینك وقتی زوالدن یعنی هر بر شیئك کولکسی قیصالمقده نهایت بولدقدن صکره ارمغه باشله سندن تا کولکسی ایکی قات اولنجهدر و (ایکندی) نمازینك وقتی اویله نك وقتی تمام اولدیفندن کونش غروب ایدنجیه قدردر (یعنی کونشك غروبیه بر چاریك قالنجیه به دکندر چونکه حکمت طیبیه اقتضاسنجده کونش افقی تجاوز ایتدکنصکره هوای نسیمی یا خود کره مادن عکس شعاعله ینه کور بنور حالبوکه اقشام نمازی افقی تجاوز ایتدکده در وحق الک ایچون شو

برجاریک مدتده نماز قیلنمز (اقصیام) نمازینک وقتی
غروبدن بیاضاق غائب اولاجیه قدر (یاتسو) نمازینک
وقتی بیاضاق غائب اولدیفندن صباح نمازینک وقتی
کیرنجهدر کونش طوغرکن وزوالده ایکن وغروب ایدرکن
فرض وواجب اولان نمازلی قیلنق جائز دکلدر مکرکه
قیلدی اوگونک ایکندی نمازی اولورسه کونش غروب
ایدرکن قیلنسی صحیحدر .

(التجیسی نیت) نیت اولدرکه قیلنجنی نماز بش
وقت فرضلرندن قنغیسی اولدیفنی ملاحظه ایدرک
الله تعالینک رضاسیچون اداسنی قبله قصد ایتمکدر لسان
ایله سویلنمسیده مستحیدر امامه اقتدا ایده جک ایسه نیتده
امامه اویمنی دخی قصد لازمدر و نیت ایله افتتاح
تکبیرینک اراننده نمازه متعلق اولمیان عمل ایشاناملیدر
(یدنجیسی تحریمه) تحریمه دیک نمازک ابتداسنده
حق تعالی به انجیق تعظیم افاده ایدوب بشقه برشیئه
دلالت ایتمن لفظدر (الله اکبر) کی فقط (الله اکبر) ایله
باشلق واجبدر الفاظ سائر ایله باشلق کرهت تحریمه ایله
مکروهدر بویدی شی نمازه باشسلمزدن اول بولنق
فرضدر و لازمدر و افتتاح تکبیرنده ارککلره سنت

اولان الارینی اولای پاره قلیربی صیقمیه رق قول قلیربنه قدر
 قالدیروب و تکبیر ایدرکن باشی اکمک لازمدر قادینلر
 نمازه شروعلرنده الارینی اوموز باشنه قدر قالدیروب
 وفرضلرک ایشاسنده وقضاسنده ارکاک حقننده اقامت
 سنتدر اذان سنت اولدینی کبی اذانک کیفیتی دخی
 بودرکه ابتداسنده درت کره (الله اکبر) صکره ایکیشر
 کره (اشهد ان لا اله الا الله واشهد ان محمداً رسول الله
 حی علی الصلوة حی علی الفلاح الله اکبر) بر کره
 (لا اله الا الله) انجق صباح نمازینک اذاننده ایکی کره
 (حی علی الفلاح) دیدکد نصکره ایکی کره (الصلوة خیر
 من النوم) دیمک مستحیدر وقامتده حی علی الفلاح د نصکره
 ایکی کره (قد قامت الصلوة) زیاده اولنور و کلماتک ارالری
 کسلمز و اذان واقامت ایاقد ایدوب قبله یه استقبال ایلملیدر
 نمازک ایچننده بش فرض دها واردرکه انلر سز نماز صحیح
 اولمز وانلره (رکن) اطلاق اولنور .

(برنجیسی قیامدر) قیام دیمک نماز قیلان کسمنه نک
 قدرتی اولدینی حالده ایاق اوزره طور مسیدر بش
 وقت نمازک فرضلرنده وترونذر و صباح نمازینک سنتده
 قیام فرضدر و صورت مسنونه سی صاغ الینک ایاسنی

صول الٰٓنك اوزرينه قويوب وصاغ الينك كوچك
پارمغنى باش پارمغيله حلقه ايدرك صول بيلكنى طوتوب
كوبكنك التنه قويوب واياقلىرىنى قبله به توجه ايديروب
ارالرى درت پرمق اولمقدور .

قادينلر صاغ الينى صول الينك اوزرينه كتوروب
كوكسنگ اوزرينه قور وخستلك وياشقه برمانعله
قيامدن عاجز اولسه اوتورارقى فرضى ادا جازدور .

(ايكنجيسى قرائت) قرائت ديمك كندى ايشيده جك
قدر لسانيه حرفلى مخرجلرندن كتوره رك بر آيت
مقدارى اوقومقدور هر برمكلغه بر آيت حفظ ايلمك فرضدر
وسوره فاتحه يى وبشقه برسوردي حفظ ايلمك واجبدر
وايكي ركعت اولان فرضلرك ووترك وناقله نمازلرك جميع
ركعتلرنده قرائت فرضدر واوچ يادرت ركعت اولان
فرضلرك انجق ايكي ركعتنه فرضدر اول ايكي ركعت
قنغيسى اولورسه اولسون ولكن برنجى ايكنجى ركعتلرنده
اوقومغى وسوره فاتحه وبركوچك سوره يا اوچ آيت
مقدارى ضم اولمغى واجبدر واوچنجى ودردينجى
ركعتلرنده فاتحه اوقنمق واجبدر وصباح نمازنده واقشام
وياتسو نمازينك ابتداكى واىكنجى ركعتلرنده وجمعه

ویرام نمازلرنده ووترده و تراویجده امام قرائنده جماعتی
اشیده چک مقداری صوتی قالدردق و ماعداسنده اخفا
ایلمک راجبدر و قرائندن اول ابتدای رکعتده (سبحانک
اللهم وبحمدک وتبارک اسمک وتعالی جددک ولا اله غیرک
اعوذ بالله من الشیطان الرجیم بسم الرحمن الرحیم) وهر
رکعتده فاتحه او قودجقه یا امامدن ایشتدکجه یواشجه حق
(آمین) دیمک سنندر .

(اوچنجیسی رکوعسندر) قرائندن فارغ اولسدقده
(الله اکبر) دیهرک رکوعه کیدر سنت اوزره رکوعسک
صورتی باشی ارقه سیله بیله ارقه می دوز اولنجه اکوب
پارمقلرینی آیه رقی الاریله دیزلرینی طوطوب و طوطلرینی
بربرینسه یا بشدیره رق اینجکلرینی دیکمکدر و بوهیت
اوزره اوچ کره (سبحان ربی المظیم) دیمک و رکوعه
وساثر رکعتله انتقال ایدرکن (الله اکبر) دیمک سنندر .
(دردنجیسی سجدهدر) هر بر رکعتده ایکی صکره

سجده فرضدر اییدی رکوعدن سجدهیه واررکن
یره ابتدا دیزلرینی قویوب صکره پارمقلرینی صیقه رق
وقبلهیه توجه ایتدیره رک الارینی قومق صکره باشینی
ایکی الارینک اراسنه قومق سنندر و باشینی قودینی محاک

بکلیکنی اکلا یحق مرتبه بر لشیر و رب التئی و بورنی یرہ مس
ایتدیر مک لازمدر و ایاقلرینک بارمقلرینی ده قبله یرہ توجه
ایتدیر ملیدر .

و دیر سکلرینی آچوب و او یلقلرینی قریندن ایراغ
ایتمک صیقندی اولمدینی حالده سنتدر و سجده ایدر کن
باشنده کی شی چیققدده بر ایله کوب قیلدق باشی
آچیق قیلمقدن افضلدر قادیلر ایچون دیر سکلرینی
آیرمق و او یلقلرینی قریندن ایراغ ایتمک یوقدر
ایمدی شو هیئت اوزره اولان سجده ده اوچ کره
(سبحان ربی الاعلی) دیمک سنتدر صکره (الله اکبر)
دیهرک قالمقوب تشهدده اوتوردنی کی بر کره سبحان الله
دیهرک قدر اوتورور صکره ایکنجی سجده بی ایلر ایکنجی
سجده دغصکره یرم طینقیوب و اوتورمقسزین (الله اکبر)
دیهرک ایکنجی رکعتہ قیام ایدر اگر رکوع و سجوددن
عاجز اولورسه اوتورورق رکوعه براز اکیلوب و سجوده
اندن زیاده اکیله رک ایما ایدر و ایکنجی رکعتہ ابتدا کی
رکعتہ بیسان اولان قرائت و رکوع و سجده لر دن صکره
ارککلره سنت اولان صول ایاغنی یرم یاتروب و وزیره
اوتوروب و صاغ ایاغی بارمقلرینی قبله یرہ توجه ایتدیر رک

ديكوب و صاغ اليه صاغ اوياغناك اوزرينه وصول اليه
 صول اوياغناك اوزرينه یرمقلرينك اوجلری دیزلرینه برابر
 اوله رق قومقدر وقادینلر صول جانیه اوزینه اوتوروب
 ایاقلرینی صاغ جانبندن چبقارمق مستحبدر .

(بشنچی نمازك آخرنده تشهد مقداری اوتورمق)
 اكر قلنان نماز ايكي ركعت اولوب سلام ويريله جك
 ايسه بوقعه نمازك ركنلرندن اولوب اوتورلد قسده
 (التحيات لله والصلواة والطيبات السلام عليك ايها النبي
 ورحمة الله وبركاته السلام علينا وعلى عبادالله الصالحين
 اشهد ان لا اله الا الله واشهد ان محمداً عبده ورسوله
 اللهم صل على محمد وعلى آل محمد كما صليت على ابراهيم
 وعلى آل ابراهيم انك حميد مجيد اللهم بارك على محمد
 وعلى آل محمد كما باركت على ابراهيم وعلى آل ابراهيم انك
 حميد مجيد) صكره ده (ربنا اغفر لي ولوالدي وللمؤمنين
 يوم يقوم الحساب) ياخود ادعيه مأثورهدن بشقه بردعا
 اوقونور والتحيات اوقومق واجب قصورلری سنتدر
 وصكره ايكي جانبدە يوزينسك بياضی كورينه جك قدر
 دونه رك ايكي كره سلام ويرمك واجبددر واكر قلنان
 نماز اوج يادرت ركعت ايسه بوقعه نمازك ركنلرندن

اولیوب واجب اولان قعدۀ اولی اولمغله فرضده
وواجبده وسنت مؤکدهه انجیق واجب اولان التحیات
بی اخریندهک اوقوبوب اوچینجی رکعتہ قالفار وسنت
غیر مؤکدهه صلوات مذکورہی دخی اوقوبوب
اوچینجی رکعتہ قالدقدنصکرہ سبحانک واعوذ ایلہ
باشلر .

(نمازک آداب) نمازک رکنلرندن بئسقه رعایت
اولنہ حق برطاقم آداب دخی واردرکہ بونلردر نماز
قیلرکن قیامده سجده یرینہ باقمق رکوعده ایاغنک
اوستنه باقمق سجده ده یوزینک اوستنه باقمق قعدہده
قوجاغنه باقمق وسلام ویررکن اوموز باشلرینہ باقمق
واسنہدیکی وقتده اغزینی اچماق وپوکا قادیر اولمزشه
ایلہ اغزینی طوتمق وافتتاح تکبیرنده الارینی یکنندن
چبقارمق وقدرتی اولدینی قدر اوکسورکنی دفع ایتک .

ودخی سلام ویردکنسکرہ (اللهم انت السلام
ومنک السلام تبارکت یاذاجلال والا کرام) دیمک سنندر .
ودخی بورکنلر ذکر اولنسان ترتیب اوزره

اذا اولمقی لازمدر ترتیبہ رعایت اولمحبوب قیامدن
اولہ رکوع یا رکوعدن اول سجدہ یا سجدہ
واریوب رکوعدن صکرہ رکعت ثانیہ الجون قیامہ
مشغول اولسہ اعتبار اولمحبوب تأخیر ایلدیکی رکنی برینه
کتوروب فعلیلہ مشغول اولدینی رکنی اعاده وسجدہ
سہولازمدر اما رکعت سابقہ سجدہ تینک برینی سہواً
ترك ایدوب صکرہ کی رکعت قیام ورکوع وسجودندن
هر قنغیسندہ خاطرینہ کندکده سجدہ فی قضا ایدر
رغائزنده هر نه باقی قالدی ایسه قلوب فعلیلہ مشغول
اولدینی رکنلری اعاده لازم دکدر وانجق سلامدن
صکرہ سجدہ سہو ایدر سجدہ تیندن برینی سہواً ترك
ایدوب قعدہ اخیرہ سلامدن اول یا سلامدن صکرہ
نمازہ منافی رشی ایشلمدن یعنی بر آدم ایله تکلم ایتدین
یا خود یلک یمدین خاطرینہ کلسہ اول سجدہ متروکینی
قضا وقعدہ اخیرہ فی اعاده ایتدکجه نمازی صحیح
اولماز وقعدہ اخیرہ فی اعاده ایتدکدن صکرہ سلام
ویروب سجدہ سہو ایتہ دخی واجبدر ودخی معلوم
اولہ که ذکر اوانان رکنلردن برینی سہواً تأخیر ایلسہ
مثلاً رکوعدن صکرہ بر رکوع دهسا ایدوب صکرہ

سجده ایسه سجده دینی وقتندن تأخیر ایتمش اولور یاخود
سجده دن قیامه قالمبله حق صورتده بر مقدار اوتورسه
قیامی تأخیر ایتمش اولور یاخود قعدۀ اولانده فرضده
یا واجبده یا سنت مؤکدهده التحیات دنسکره ساواندن
بر مقدارینی سهواً اوقوسه اوچنچی رکعتنه قیامی تأخیر
ایتمش اولور یاخود قعدۀ اخیرده اوتورمه حق ایکن ایاغه
قالقسه صکره خاطرینه کلوب اوتورسه قعدۀ اخیرده
تأخیر ایتمش اولدینندن سجده سهو لازم اولور والحاصل
فرضك تأخیرنده وواجبك ترك وتأخیرنده سجده سهو
ایجاب ایدر .

ودخی ذکر اولسان واجبلردن برینی سهواً تأخیر
ایلسه مثلاً سوره فاتحه دن اول سوره اوقویرب صکره
فاتحه یی اوقوسه یاخود واجبلردن برینی سهواً ترك
ایلسه مثلاً سوره فاتحه یی اوقوسه یاخود قعدۀ اولایی
ترك ایلسه سجده سهو لازم اولور ودخی بر قاج کره
سهو ایلسه سجده سهو تکراری لازم کمر و امامه
اقتدا ایدن کسه دن سجده سهو ایجاب ایدن برشی
وقوعیله سجده سهو لازم کلز ایکن امامه سجده سهو
لازم کلش اولسه جماعت دخی امام ایله سجده سهوی

ادا ایتمک لازمدر وسجده سهو دیمک نمازدن ایکی طرفه سلام ویردکنصکره ایکی سجده و صکره نمازک قعدۀ اخیر سنک کیفیتی اوزره اوتوروب التحیات ی وصلواتی ودعای اوقویوب سلام ویرمکدر ودخی نمازده قاج رکعت قیلدیغنی بیلامیوب شبهه ایدن کسه اصلندن هیچ باشنه کلش دکل ایسه سلام ووروب یکیدن باشلیوب قیلماق لازمدر واکر کندویه چوق واقع اولورسه دوشنوب عقلی قاج قیلدیغنی کسر سه انکله عمل ایدر ولکن دوشنمکله بر رکوع مقداری وقت مشغول اولورسه سجده سهو لازم اولور واکر عقلی قاج قیلدیغنی کسمزسه آزاوان احتمالی اعتبار ایدوب مثلاً اوچ یاخود ایکی رکعتی قیلدم دیو شبهه واقع اولسه ایکی قیلدم دیرک اوتورمه محلی ظن ایتدیکی یرلرده اوتورده رق تمام ایدوب صکره سجده سهو ایدر ودخی نمازه شروعدن اول نخود قدر اغرنده بولسان نسنه یی نمازده یوقمغله یاخود اغرنده اریوب طائیلسنی یوقمغله نماز فاسد اولور وعذر سز غرض صحیحی یوغیکن اوکسورسه نماز فاسد اولور .

{ بش وقتده اولان نمازك صایبی }

بش وقتده فرض اولان نمازلرك ركعتلرینك صایبی
 صباح نمازینك فرضی ایکی ركعتدر . اوپله نمازینك فرضی
 درت ركعتدر . ایکندی نمازینك فرضی درت ركعتدر .
 اخشام نمازینك فرضی اوچ ركعتدر . یاتسو نمازینك
 فرضی درت ركعتدر . ودخی بش وقتده سنتلر وازدر
 صباح نمازینك فرضدن مقدم ایکی ركعت سنت مؤکده در
 جماعت فرضه شروعلرندن صکره کلدکده امامه
 بر ركعتده ایریشه جکفی عقلی کسر سه ترك ایتمیوب
 برکنارده صفه خلیل ویرمهرك اداسی سنتدر بوقدرجه
 دخی ایریشه جکفی عقلی کسمز سه ترك ایدوب امامه
 اقتدا ایدر فرضدن صکره قضا اولنر وقت کراهته
 نصاف ایتمش اولدیغدن (وقت کراحت) اوچدر
 بری کونش طلوع ایده جك وبری غروب ایده جك
 زمانلرده و دیگرى کونش زواله یعنی نصف النهار
 کلدکده در اما فرضی قضایه قالدیغی کون اوپله یه
 قدر فرضیله یپله قضا اولنور ودخی اوپله نمازینك

فرضندن اول درت رکت سنت مؤکده در حاضر
 جماعت بولوب فرضه شروع ایتمکله ساقط اولمز
 فرضدن صکره قضا اولمز و اوایلک فرضندن صکره
 ایکی رکت سنت مؤکده در و ایکندینک فرضندن اول
 درت رکت سنت غیر مؤکده در فرضندن صکره قیلنمز
 و اخشامک فرضندن صکره ایکی رکت سنت مؤکده در
 و یاتسونک فرضندن اول درت رکت سنت غیر مؤکده در
 و فرضندن صکره ایکی رکت سنت مؤکده در و دخی
 یاتسونک صوک سنتند صکره (صلات وتر) نیتله اوج
 رکت نماز قیلنمز و اجیدر قعدۀ اولی دن اوچنچی رکعت
 قالقده فائمه و ضم سورهدن صکره افتتاح تکبیری کبی
 تکبیر التوب قنوت وتر ایچون اخفا ایله ادعیۀ مأثوره دن
 بردعا ارقومق و اجیدر و لکن سنت اولان بودعایی
 اوقومقدر (اللهم انا نستعینک و نستغفرک و نستهدیک
 و نؤمن بک و نستوب الیک و نتوکل علیک و نثی علیک الخیر
 کله نشکرک و لانکفرک و نخلع و نترک من یفجرک اللهم
 ایاک نعبد و لک نصلی و نسجد و الیک نسعی و نحضد نرجو
 رحمتک و نخشی عذابک ان عذابک بالکفار ملحق)
 و دخی قنوتی سهو ایدوب رکوعه کتمکله سجدۀ سهو

لازم اولور رکوعده قنوت خاطرینه کلسه رکوعده
 اوقومز وقنوت بچون کبرو قیامه درنمز ولکن دوندیکی
 صورتده نماز فاسد اولمز رکوعی کرک اعاده ایتسون
 کرک ایتسون اماصلات وترده امام قنوتی سهو ایدوب
 رکوعه کیتدکده جماعت متابعت ایتمک لازم ایکن متابعت
 ایتململیله کبرو قیامه دونوب قنوتی اوقودقدن صکره
 رکوعده جماعت متابعت ایتدکلرنده جماعتک نمازلی
 فاسد اولور ودخی رمضان شریفده هر کیجه یاتسونک
 فرضدنصکره اراککلر وقادینلره یکریمی رکعت (تراویح)
 نمازی سنت مؤکدهدر بونده مختار اولان هر یکی رکعت
 باشنده سلام ویروب وهر درت رکعت باشنده درت
 رکعت مقداری اوتورمقدرد ورمضان شریفده
 صلات وتر دخی جماعت ایله ادا اولنور ودخی
 فرائضده ارکک حقنیده جماعت سنت مؤکدهدر
 ومسجدده جماعتیه قیلیمک فضیلتی دهها زیادهدر تراویح
 دخی بویلهدر ودخی امام اولان کسه نمازک صحت وفسادیه
 عالم اولوب قرآن عظیم الشانی قرائتیده وحررلرک
 مخارجنده برخطا ایتمامک لازمدر واقامت اولندقدده
 (حی علی الصلوة) دینورکن جماعت ایاغه قالمیق وامام محرابه

کیندرکن اوکنندن کچدیکی آدملرک ایاغہ قالقمسی مستحبدر
وامامہ اقتدا ایدن یالکیز ایسه امامک اردینه یاصولنه
طورمیوب صاغنه برابر طورر ومؤذن (قد قامت الصلوة)
دیدیکی وقتده نمازه باشلمق مستحبدر وامام افتتاح تکبیرنده
جماعت ایشیده جک قدر جهر ایتک سنتدر وسائرانتقالات
تکبیرلری قیامدن رکوع رکوعدن سجود سجوددن قعود
قعوددن قیامه والحاصل امامک آشکاره ایتدیکی تکبیرلردر
وتسمیع (سمع الله من حمدہ) وسلام دخی بویله در وامامک
تکبیری کفایت ایدرکن مؤذن دخی جهر ایتدیکی
حاله ضرری یوغیسده زیاده چاغرسه
اسائت ایتش اولور وصناعت نغمه اظهارچیون
تحریکات نغمه ایله اشتغال ایدرسه نمازی فاسد اولور
(بعض تکبیرلده ایام مشهورده اولدینی کبی که
قامتده برطاقم نغمات مقامات اجراسندن ماعدان بش
آلتی آدم بر آغزدن قامت کتورلر اشته یونلرک نمازلری
فاسد اولدیفنده شیمه یوقدر) ودخی جماعتله فرضه
باشلمزدن اولجه برکسمه اول فرضه یالکیز باشلامش
اولسه اکر ابتداکی رکعتک سجده سنه وارماش ایسه
ایاقده اوله رق برطرفنه سلام ویرهرک نمازدن

چيقوب اول امامه اقتدا ايدر واکر ابتدا کی رکعتك
 سجده سینه وارديسه قلنان فرض درت رکعت
 اولديني صورته ايکی رکعت باشنده تشهدن صکره
 سلام وبروب ينه امامه اقتدا ايدر اوچنجی رکعتك
 سجده سنی ادا ايتديسه نمازی تمام ایدوب قلنان نماز
 ايکندينك فرضی اولیوب بلکه اوليله نك ياخود ياتسونك
 فرضی ايسه نافله اوله رق اقتدا وجماعت ثوابی کسب
 ايدر صباح و اخشام نمازلرنده ايکنجی رکعتك
 سجده سینه وارمديسه بوزوب امامه اقتدا ايدر واکر
 ايکنجی رکعتك سجده سینه وارديسه بوزمیوب تمام
 ايدر و بونلرده و ايکنديده نافله اوله رق امامه اقتدا
 ايتمز و جماعتله فرضه باشلنمزدن اول سنه باشلامش
 اولسه سنتی بوزمق اواز بلکه قيلدینی رکعتی نك
 براقیوب چفت ايتدکدن صکره تشهد ایدوب سلام
 ویرمك لازمدر و دخی معلوم اوله که امامه افتتاح
 تکبیرنده ایریشن کسه سبحانک یی او قومق سئندر اما
 افتتاح تکبیرنده ایریشه مین کسه امامی قیامده بولدقده
 امام چهر ايله قرائت ايتدیکی صورته افتتاح تکبیرینی
 آلوب ينه سبحانک یی او قومق سئندر چهر ايله قرائت

ایستدیکي صورتده سبحانک بي اوقویوب امامک قراننی
 دکاهمک لارمدر امامی رکوعده بولدقده سبحانک
 اوقویوبده امامه رکوعده ایریشه جگنی عقلی کسر سه
 سبحانک بي اوقور رکوعه ایریشه جگنی عقلی کسر
 ایسه یالکز افتتاح تکبیری الهرق سبحانک بي ترک
 ایدوب رکوعه کیدر سجده اولی ده دخی بویله عقلیه
 عمل ایدر اما امامی سجده ثانیده بولدقده افتتاح
 تکبیری الدقن صکره اکنمیوب سجده کیدر دخی
 معلوم اوله که امام رکوعدن قالقمزدن اول رکوعه
 ایریشه مین کسه اول رکعت ایرشمش اولمز هر قاج رکعت
 ایریشه مدیسه امام سلام ویردکن صکره قالقار قیلار
 بر یا ایکی رکعت ایریشه مدیکي تقدیرجه فاتحه وضم
 سوره واجیدر اوج رکعت ایریشه مدیکي صورتده
 فاتحه وضم سوره ایله بررکت قیلوب اوقورر انجق
 التحیات بي آخرینسه دک اوقویوب قالقارینه فاتحه وضم
 سوره ایله بررکت دخی قیلدقن صکره آخر رکعتده
 یالکز فاتحه ایله اکتفا ایدوب قعدۀ اخیرهدن التحیات
 وصلوات وادعیۀ مأثورهدن بردادن صکره سلام ویرر
 ویالکز قیلدنی مقدارک ایچنسه سجده سهو ایجاب

ایدن برشی واقع اولورسه سجده سهو لازم اولور
و نمازك ركنلرندن قراشدن واعداده جماعت امامه تابع
اولوب امام ايله برلكنده ايشلمك لازمدن ركوع سجوده
امامدن اول قالمق يوب و امامدن برتسييح دخی زياده
كيرويه قالمامليدر چونكه امامدن اول قالمش اولسه
امامه اقتدا ايتماش اولور و زاناً اقتداييده نيت ايتمش
اولديغندن نيتي ايله فعلی ييننده مغاير اولغمله نمازی
فاسد اولور قنوت دعاسنده دخی امام اول تمام ايدوب
ركوعه كيتسه ارتق جماعته قنوت دعاسنی تمام ايتمك
اقتضا ايتيوب امام ايله ركوعه كيتمك لازم اولور
نمازك ايچنده اولان سائر اذكار و تسبيحاتك جمله سنی
بويه امامه متابعتيه مانع اولميه جق مرتبه ايشايوب
امامدن آيرلماي و قعدۀ اولی ايله قعدۀ اخيره دهده
تشهیدی تمام ايتدكجه متابعت ايتامليدر يعنی قعدۀ
اولاده تشهیدی تمام ايتزدن اول امام قالمقارسه ده
كنديسی تشهیدی تمام ايتدكدن صكره قالمق و قعدۀ
ثانيه ده كذلك تمام ايتزدن اول سلام و يرمامليدر
ودخی امام بش شئي ايشلمسه جماعت دخی ايشلمز قنوت
دعاسی ، يرام نمازينك تكبيرلری ، قعدۀ اولی ، سجده

تلاوت ، سجده ، سهو ، ودرت شیئی امام
ایشلمه جماعت ایشلمز زیاده سجده ایلمسه ، جنازه
نمازنده درت تکبیردن زیاده ایلمسه ، بیرام نازینک
تکبیرلرنده روایتدن زیاده ایلمسه سهواً بشنجی رکعت
قالقسه ، اکر دردنجی رکعتک باشنده اوتوردی ایسه
جماعت قالقمیوب اوتوردقلری حالده منتظر اولورلر
امام کیرویه عودت ایدرسه امام ایله سلام ویررلر
کیرویه عودت ایتمیوب ناسجدهیه واررسه جماعت
یالکمز باشلرینه سلام ویررلر واکرامام دردنجی رکعتک
باشنده اوتورمدین قالقسه جماعت ینه قالقمزلر ولسکن
امام بشنجی رکعتی یالکمز قیلوب سجدهیه واردقه
جهله سنک نمازی فاسد اولور سبب شودرکه فرض
قعدّه اخیره ایله نماز تکمیل اوله جق ایکن امام
فرضی ترک ایتمش اولدیفندن نمازی فاسد اولور
جماعتده امامه اقتدا ایتمش اولدقلندن امامک نمازی
فاسد اولمغله انلرکده نمازلری فاسد اولمق لازم کلور
ودخی امام صوک سنه قالقدقه فرضی قیلدینی محلی
دکشدیمک سنندر اما مقتدی یاخود یالکمز قیلانک
دکشدیرملری اولی در ویافرض ادا اولندقدن صکره صفی

بوزمق مستجبدر لکن فرض قلنسور ایکن سفلرک
استقامت و غایتله منتظم صورتده اولمسی و سفلر
اراسنده بوش محل قالماسی اهم والزمدر و دخی نماز
تکمیلنده امام جماعته یوزینی چویرمک سسنددر جماعت
ایکی کسه اولورسه ده مکر امامه قارشو نماز قلان بولنه
بوصورتده صاغنه یا صولنه دوزر و دخی نمازدنصکره
اوچ کره استغفار ایدوب و آیه الکرسی و معوذتینی
(قل اعوذ برب الفلق ، و قل اعوذ برب الناس) اوقیوب
واوتوز اوچ کره (سبحان الله) و اوتوز اوچ کره (الحمد لله)
واوتوز اوچ کره (الله اکبر) و برکره (لا اله الا الله وحده
لا شریک له له الملك وله الحمد وهو على کل شیء قدير)
دیوب اللرینی کوکسی مقابله ده کالیدیروب وارالری
آچیجق اوله رق سمایه طوغری آچوب دعا و ختامنده
(سبحان ربك رب العزة عما يصفون و سلام على المرسلین
والحمد لله رب العالمین) دیمک مستجبدر و دعا دنصکره الیه
یوزینی مسح ایلمک سسنددر .

{ جمعه نمازی }

جمعه کونی جمعه نمازی فرض عین اولوب و اوپله

نمازندن اقوادر وجمعه نك صحتك شرطلى التيسر
 (برنجيسى) شهر يعنى كندوسنده يوللر وسوقاقلر
 وبوركا تابع قريه لر ومظلومه ظالمدين انصاف اولسان
 وكندوسنده مراجعت اولنه حق عالم بولسان يرلدر
 (ايكنجيسى) برخايه اسلام طرفدن جمعه نمازى
 اقامته مأمور بولمق (اوچنجيسى) اويله نمازينك
 وقتندن اخراج قانماق (دردنجيسى) وقت مزبورك
 ايچنده نمازندن اول جماعت حاضر اوله رق خطبه
 اوقونمق (بشنجيسى) امامدن ماعدا جماعت اوچ ار ككدن
 نقصان اولماق (التنجيسى) ادا اولندينى محله اذن عام
 اولوب كسه منع اولنماق جمعه نك فرضينك يدى
 شرطى واردر (برنجيسى) شهر تعبير اولسان بلده ده
 اقامت اوزره اولمق (ايكنجيسى) صحيح الوجود اولوب
 مرضى وضعفى اولماق (اوچنجيسى) حر اولوب كسه نك
 كوله سى اولماق (دردنجيسى) ار ككلكى محقق اولمق
 (بشنجيسى) كوزى كوروب اعشى اولماق (التنجيسى)
 يوريمكه قادر اولوب كوتورم اياقسز اولماق
 (يدنجيسى) شديد يغمور ويا برشيدن قورقو ويا بونلر
 مثللو نمازى مانع برعذرى اولماق ودخى بوذكر اولنان

شرطی تماماً بولند قدّمه بر کسه جمعه کونی جمعه نمازی
 قیلمدن اویله نمازی قیلمسی کراحت تحریمه ایله دکر ره در
 ودخی جمعه نمازی قلندان بلده ده جمعه کونی معذور
 ویا مسافر ویا محبوس اولان کسه لرك اویله نمازی
 جماعتله ادا لری کراحت تحریمه ایله مکروه در
 بوندن صکره معلوم اوله که ذکر اولنان شرائطی مستجمع
 اولان کسه جمعه کونی اذان اولی ایستد کده هر نه ایله
 مشغول ایسه ترك ایدوب جمعه یه کتمک واجبدر جامعه
 وارد قدّمه تلاوت قرآن اولنور ایسه دکه یوب اولنور سه
 خطیب منبره چیقمدن جمعه نك سنتی نیتیه درت رکعت
 (سنت مؤکده در) قیلار اکر اتنا ای صلاتده ایکن خطیب
 منبره چیقارسه قراشده تخفیف ایدوب اقصر سورده
 ایله تکمیل ایدر واکر کلدیکی وقتده خطیب منبره
 چیقمش ایسه خطبه تمام اولنجیه قدر دکه نك لازمدر کرك
 خطبه اراشنده وکرك خطبه نك دعای ائشاننده سنتی قیلمق
 جائز دکلدر جمعه نك فرضی قلندقدن صکره قضا ایتملیدر
 خطبه تمام اولندقدن صکره اقامت اولنوب جمعه نك فرضی
 نیتیه ایکی رکعت ادا اولنور صکره جمعه نك صوک
 سنتی نیتیه درت رکعت سنت مؤکده در بوندن صکره دخی حالا

ادائی میسر اولیوب اوزرنده ثابت اولان اخر ظهر
 نیتیه نیت ایتدم دیهرك هر رکعتده فاتحه وضم سوره
 ایله دوت رکعت قیلحق اولی در برندن صکره دخی وقت
 سنتی نیتیه ایکی رکعت اولی در ودخی جمعه نمازینک
 هر نه مقدارینه ایریشورسه اقتدا وامامه متابعت ایدوب
 امام سلام ویردکنصکره قالقوب فوت اولانی قیلدقده
 جمعه یی قیلحق اولور حتی امامه تشهدهده یا سجده سهوده
 ایریشسه ینه بویله در .

{ بیرام نمازلی }

رمضان وقر بان بیراملرنده بیرام نمازی واجیبدر
 خطبه دنماعدا جمعه نمازینک صحتنده وفرضیتنده ذکر
 اولنان شرطلر بیرام نمازلینک دخی صحتنده ووجوبنده
 معتبردر بیرام نمازلرندن صکره خطبه سنتدر جامعه
 وارلدقده تکبیر وتهلیل ایله مشغول اولوب کونش
 طوغوب ایکی مزراق ارتفاعنه کلهرك وقت کراحت
 حقیقدنصکره واذان واقامتسز بیرام نمازی نیتیه امام
 افتتاح تکبیرینی الوب نمازه شروع ایتدکده ناس دخی
 اقتدا ایله تکبیر آلور اللرینی سنائر نمازلرده کی وجه
 اوزره باغلیوب سبحانک او قوندقدن صکره امام اللرینی

قالديروب جماعت دخی متسابعت ايدرك تكبير الدقندن
 صكره اللريني ايكي يانلرينه صاليويررلر اوج تسبيح
 قدر اكلنوب ينه اللريني قالديروب تكبير الوب يانلرينه
 صاليويررلر بتكرار اوج تسبيح قدر اكلنوب ينه اللريني
 قالديروب تكبير الدقندرند يانلرينه صاليويرمدين باغلرلر
 امام خفيجه اعوذ بسمه ايله جهراً فاتحه و اوج آيت
 مقداري قرئت ايتدكدنصكره ركوع وسجود اولنوب
 قيامه قالقدقه فاتحه وضم سوره عقبنده اسلوب سابق
 اوزره اوج دفعه تكبير آلور و اوجنده اللريني
 يانلرينه صاليويررلر دردنحيمنده اللريني قالديرمقسزين
 تكبير الهرق ركوعه انتقال ايدرلر ايمدي سائر نمازلرك
 تكبيرندن زياده اولهرق بيرام نمازلرينه مخصوص اولان
 تكبير التيدر اوجي ركعت اولي ده قراشتن اول اوجيدنخي
 ركعت ثانيه ده قراشتدنصكره التيسيده واجيدر ودنخي
 امام بيرام نمازينك تكبيرلريني ايندوب قرائتي ائناسنده
 اقتسدا ايدن كمسه افتتاح تكبيرندنصكره في الحال بيرام
 نمازينك تكبيرلريني ايدر و اكر امام ركوعنده ايكن
 كله جك اولورسه تحريمه تكبيريني آلوب و اكر يتشه جكني

عقلی کسر سه بیرام تکبیر لرینی ده قیسامده ایدر صکره رکوعه کیدر یوق رکوعك فوتنیدن خوف ایدر سه افتتاح تکبیر ندنصکره رکوعه کیدوب امام رکوعدن قالمیدن بیرام تکبیرینی الارینی قالدیر میهرقینه رکوعده ایدر واکر بیرام تکبیر لرین تمام ایتمیدن امام رکوعدن قالفسه امامه متابعت ایتمك لازم اولوب باقی قلان تکبیر لر ساقط اولور ودخی رکعت اولی به ایریشه سه امام سلام ویردکدنصکره رکعت اولی بی قضا ایدوب واشبو قضاده ابتدا قرائت و صکره تکبیر له مبادرت ایدر ودخی ایکنجی رکعتك رکوعنده ایریشه تکبیر خصوصی رکعت اولی نك رکوعنده ایریشدیکی صورتده بیان اولان وجه اوزره در واکر ایکنجی رکعتك سجده لرنده یا نشهدنده ایریشه ینه اقتدا ایدوب امام سلام ویردکن صکره قالقبوب بیرام نمازینی هیئت معلومه سی اوزره یالکزجه قضا ایدر قربان بیرامی نمازی دخی بو تفصیل اوزره در ودخی قربان بیرامنده عرفه کون صباح نمازندن بیرامك دردنجی کون ایکندی نمازینه دکن یکر می اوج وقت فرضلردن سلام عقیبندنه بر کره تکبیر تشریق و اسجیدر صورتی بودر که (الله اکبر الله اکبر لا اله الا الله

والله اكبر الله اكبر والله الحمد) ودخی بویکرمی اوج
وقت فرضلردن وقتنده ادا اولنمیوب قضا اولندیغی
تقدیرده اول سنه او کونلرده قضا اولنورسه ینه تکبیر
واجبدر .

{ جنازه نمازی }

جنازه اوزرینه نماز فرض کفایه در بعض کسه لرك
اداسیله ماعدادن ساقط اولور و جنازه نمازنده
جنازه نك اسلامی و طهارتیه برابر و تمام اعضایی
یا اکثر اعضایی جنازه نمازی قیلا نلرك او کنده بر محله
وضع اولمنی شرطدر و وضعك صورت مسنونه سی
جنازه نك باشی امامك صاغ جانبه ککدر و امام
جنازه نك کو کمی مقابلنده طوروب جماعت نقدر آز
ایسه ده اوج صف اولاق مستجبدر و آخر صفی افضلدر
و جنازه نمازینك رکنی ایکیدر اولیکسی قیام عذر سر
اوتوره رق قیامق جائز دکدر ایکنجیسی درت تکبیر
انجق ابتداسنده ال قالدیر مق سنتدر امدی جنازه نك
ارکشی و یا خاتون اولدیغنی بیایوب (نیت ایتدم الله
ایچون نمازه شو ارکشی ایچون یاشو خاتون ایچون دعایه

دیلمی واکر جماعتدن بری جنازمنك ارکک ویا
 قادین اولدیغنی بیله مسه امام هرکیمک اوزرینه قلا رسه
 اکا دعایه دیلیدر صبیانده دخی (شو اوغلا تبحق ایچون
 یاشو قز جغز ایچون) دییه امدی افتتاح تکبیرندن
 صکره (سبحانک اللهم وبحمدک وتبارک اسمک وتعالی
 جسدک وجل ثناؤک ولا اله غیرک) دیوب تکبیر آلوب
 نمازک اخرنده اوقونان صلاتلری اوقور اندن صکره
 تکبیر آلوب رحمت ومغفرته دائر دعا ایدر دعائه بودر
 (اللهم اغفر لنا ولسنا وصغیرنا وکبیرنا من امة محمد
 اجمعین برحمتک یا ارحم الراحمین) امدی تکبیرلر ازلرنده
 ایدیلان ثنا وصلوات ودعا سنندر وسلام مستحبدر ودخی
 جنازه نمازینک اولنده شروع ایده میوب بعض تکبیرانی
 فوت ایدن کسه فی الحال افتتاح تکبیری آلوب اقتدا
 وباقیده امامه متابعت ایدر امام سلام ویردکن صکره
 جنازه اوموزه رفع اولمندن فوت اولان تکبیرلری
 بربری اردنجه قضا ایدر دردنجی تکبیردن صکره
 سلامدن اول ایرشسه ده ینه بویله در ودخی طوغدینی
 وقتنده حیاته علامت اولوب عقبنده وفات ایدن صبیکنک
 غسل وتکفین ونمازی لازمدر واکر حیاته علامت

اولمزه نمازی قلنمز همان غسل اولنور و آد ویرلدکن
صکره براستاره صاریلوب دفن اولنور واکر کمیده فوت
اولوبنده قره اوزاق بولنورسه اوحالده غسل و تکفین
ونمازی قیلنوب دکره القا اولنور .

(اوچنجیسی زکاتدر) قرآن کریمده زکات صلاتک
عقیدنده ذکر اولدینی جهتله اهم فرائضدن بولدینی
دلیلی قطعی ایله مثبتدر ووقت سعادتدنبرو زکاتک فرض
عین اولدینی تواتر ایله نقل اولنه کلمشددر امدی اهل
اسلامدن حر مسلم وعاقل وبالغ اولان ککمه حاجت
اصلیه سندن یعنی لباس واونیک طاقی وبورچندن
وبینه چکی ات واستعمال ایدمچکی اسلامندن بشقه آتش
وویرش ایله ارمغه قابل نصاب مقداری مالی اولوب
واوزرندن برسنه کچدکده اول مالک قرق جزؤندن
برجزئی الله تعالینک رضاسی ایچون فقیر مسلممه ویرمسی
فرضدر ونصاب التوندن سکه لی ویا سکه سز یکرمی
متقالدر هر مثقالی یکرمی قیراط اولمق اوزره وکشدن
ایکیوز درهمدر هر درهمی اون درت قیراط اوله رق
وساثر تجارت متاعلرندن یکرمی مثقال سکه لو التون
یاخود ایکیوز درهم سکه لی کمن قیمتی متاعدر وخانون

زینتارینه متعلق اولوب استعماللری حلال اولان التون
وگمشدن زینته دائر اولان قسملری نصابده معتبردر
ودخی نصاب جنس واحد اولقی لازم دکلدر بلکه
برکسه نك ملکنده بر مقدار التون و بر مقدار گمش
بر مقدار متاع تجارت اولوب مجموعتک قیمتی التون
ویا گمش نصابلرندن برینه بالغ اولسه زکاتی لازم اولور
والتون وگموش و باقر و یاساژ بر معدن مخلوط اولدینی
حاله بولنور لسه غالب و یا برابر ایسه التون وگموش
اعتبار اولنوب اگر دکل ایسه قیمتی تقدیر اولنور
واگر بومشاللو خلیطه قوللانیلورسه زکات لازم دکلدر
سائر باقر طماقی حکمنده اولوب اوانی بیتیه دن عد
اولنور شیلرده وانجو وجواهرده زکات یوقدر
اگر آلوب صاتیجیسی ایسه اوصورتده متاع تجارت
کی قیمت اعتبار اولنور وزکاتی ویررکن یا مالئسدن
آیررکن زکات نیتی بولمنیق لازمدر وزکاتی ویردیکی
فقیر مسلم اخذ و قبضی تعقل ایتسک شرطدر واصلت
وفرعیت جهتمندن قراقی اولماقی لازمدر یعنی کندیسک
باباسی یا بیوک باباری با ناسی یا بیوک انالری یا کندیسک
اولادی یا اولادینک اولادی اولما لیدر سائر اقرباسینه

جائزدر بلکه اقرباسنده محتاج وار ایکن غیریه ویرمیلدر
 وزوج زوجه بربرینه زکاتلرینی ویرمه جائز دکدر و کوله
 وجاریه سنه ویرمک دخی جائز دکدر و زکاتک ویردیکی
 فقیرک حالنه کوره ویردیکی کون قوت یسی رزق اوله حق
 وجهله ویرلمسی مستحبدر ویرکونلک قوت اوله حق
 شئی اولان کسه نیک عرض حاجت ایدوب دینله سی
 حرامدر و زکات یک آزرشیته مالک اولان فقیر یا خود
 هیچ برشی اولیسان مسکینه و بورجلو کسه لره و غزایه
 سوق اوله جقلره و مملکتنده پاره سی وار ایسه ده وطن
 آخرده بولندیغی جهته پاره سز قالمش اولان بولجی پاره
 ویریلور و ذمی به زکات ویرلمز و زکات پاره سیله مسجد
 باپلمز و میت تکفین اولنمز و انکله ازاد ایچون کوله اشترا
 اولنمز و زنکینه ویرلمز بر بلده دن بلده آخره زکات
 نقلی مکر و هدر هر قومک زکاتی کنندی ایچنده طاغلامیلدر
 اگر بلده آخرده کنندی اقرباسندن محتاج وار ایسه
 یا خود کوندره چکی قوم کنندی مملکتیک اهالی سندن
 دهها زیاده محتاج ایسه اولوقت جائزدر و حواج اصلیه سندن
 ماعدا انصابه مالک اولان کسه به زکات و سائر صدقه
 آلق حلال دکدر باخده موص سوال یعنی (دینا جیلاک)

شرعاً ممنوع در چونکه دین جیلکی ارتکاب ایتدیرن شدت فقر و احتیاج و کمال مذلت و بوفقر و مذلت دنیویه سقندده حضرت فخر عالم صلی الله علیه و سلم (کاد الفقران یکون کفراً) بیورمشلردر یعنی فقیر لوق کفره یقیندر سبی شودرکه انسان قدرت بشریه و اراده جزئیة سنی صرف ایله بر سببه یا بشم دینی و بر صنعتله مشغول اولم دینی حالد البته فقیر اوله حق و فقیرانی جهتله نفسی و اولاد و عیالی اداره دن عاجز قاله حق و نه ایة الامر دین جیلکی ارتکاب ایدم جکدر اشته بوتسأل حالنده زنکین و صاحب ثروتلری کوردکجه یا مال لرینه حسد ایدم جکندده و باقدر الهی به بهتان ایله جناب حقه عصیان ایله جکندده شبه یوقدر دیمکدرکه بو خطا لره دوشما مک ایچون فقر و مذلتدن اجتناب ایله کوچی یتدیکی مرتبه بر طریق تجارته سبی و غیرت ایتلیدر (سؤال) مادمکه خلاق جهان هر کسک رزقی احسان ایدم جیدر بویله خالق ورزاقه تسلیم اولیویده مخلوق عاجزدن رزق طالب ایتمک فرض اولان توکله مخالف و حقه رزاق عالم اولدیغنی تصدیقه مغایر دکلیدر .

(جواب) سبب حصوله کلدیکی عادت

الهی جریان و حکمت بالغه صمدانی اقتضا سندن
اولدیندن رزق طایفه توکله مقارنتله برابر اسباب
ظاهریه تشبث اولنمی اصلا توکله منافی و حقک
رزاق اولدیننی تصدیق و اقراره قطعا مباین دکلدر
و حتی قرآن عظیم الشانده وارد اولمشدرکه
(و اذا قضیت الصلوة فانتهروا فی الارض وابتغوا من فضل
الله) یعنی نماز قضا و ادا اولندقدنصکره کار و کسبکزه
کیدیکز و حضرت حقک فضل و کرمندن احسان اتمش
اولدینی رزق و برکتی طلب ایدیکز و دیگر برایت
شریفه ده دخی (انفقوا من طیبات ما کسبتم) بیورلمشدر
معنایی قزائنس اولدینکیز حلال مالدن الی ایاغی
طوتمان فقرا و یچارکاه اتفاق و اعطا ایدیکز دیمکدر
حتی حضرت مریم رضی الله عنایه خطابا (وهزی الیک
بجزع النخلة تساقط علیک رطباً جلیا) بیورلمشدر یعنی
ای مریم خرما اغاجنک دالنی طرفه چک تاسکه
حضورینه یاش خرما دوشسون خدای متعال مریم
رضی الله عنایه طویورمق هروجهله مقدرری ایکنینه
توکل نامیه مخالف اولدرق اسبابه تشبثله امر بیورمشدر
و بر حدیث قدسیده دخی (یا عبدی حرك يدك انزل

عليك الرزق) ورود ایتشدر معنایی ای قولم
 رزقکی تحصیل و طلب خصوصند چالشور چبالارسك
 بنده اعطا واحسان ایدرم دیکدر اشته ذکر اولنان
 آیتلرك وحديث قدسينك معنالرينه نظراً كسبك ورزقي
 طلب خصوصند اسباب ظاهره تشبكه فرض اولدینی
 و بودرلو توكلك ممنوع وغير مقبول اولدینی ظاهر
 و آشكار اولدیندن ماعدا حضرت آدم عليه السلامك
 اكنهجي ونوح عليه السلامك دولكر و ابراهيم عليه
 السلامك بزاز و داود عليه السلامك تیمورجي و سليمان
 عليه السلامك زنبلاجي و زكريا عليه السلامك تجار
 و ادریس عليه السلامك ترزی و الحاصل كافه
 انبياء عظام و چهار یار كزین و صحابه كرامك و نیجه
 علماء ذوی الاحترامك هر بری بر صنعتله مشغول
 اولدقلى و باخصوص بوامتك صاحب شرع انور
 و پیغمبری اولان خاتم الانبیاء حضرت محمد المصطفی
 علیه افضل الصلوات و ازکی ها افندمن دخی جمعیت
 بشریه ایچنده اولدقلرندن بعض تجارتله مشغول و امتك
 راحت و دشمندن امین اوله رق یشاملری و هر حالده
 توسع و ترایدله دنیاده بقالریچون و اعلاء کلمة الله ایچون

اکثر اوقاتده شخصی جهاد و غزا ایله مألوف اولدقلری ده
 بودعوایه شاهد عادلدر و بویکسب و تجارت (علواللهجه
 من الايمان) حدیث شریفی معنای منیبی اوزره اهل
 ایمان ایچون کرکه کندو حقنده و کرکه دین قونداشلری
 و بلکه وطن اولادلری حقنده دایما خیر خواہ و عالی
 همت و صاحب عزیمت بولمغه و کندولرنده ایمانک کمال
 و قوتنه دلالت ایدر مثلاً فقیر ایسه زنکین و ادنی ایسه
 اعلی و مدیون ایسه دینندن خلاص و خسته ایسه شقایب
 و جاهل ایسه عالم اولمق کبی شیلره همت ایتملی و الحاصل
 نیات خیریه و کمالات طیبیه ایله مألوف اولملی و ایجابنده دخی
 وسائل مقتضیه سنه بوامید ایله چاشملیدر حتی حضرت
 عمر بن الخطاب (رضی الله عنه) بیورمشلردر که بر آدم
 کندوسنه یأس و فنور کتورمیوب صدق و غیرت و عالی
 همتله هر قننی ایسه چالیشور ایسه و قننی رتبهیه و اصل
 اولمق ایستر ایسه حد داننده بر ادنی آدم ایسه ده عاقبت
 مرادینه نائل اولمسی احتمالک خارجنده دکلددر لکن
 بالعکس اصلزاده و نقدر اشرافدن اولورده غیرت و عالی
 همتی اولمز ایسه کافه فضائل و عامه فواضلمدن محروم
 اوله جفی شبهه دن مستفیددر چونکه اقدام و غیرت

وعالی همتی اولوبده شریر النفس بولمق و بین الاهیالی اعتباری اولماق شرف و اعتبار صاحبی اولوبده غیرت و همتی اولماق دین خیرلوردر بیوره مشلردر حاصلی فقرادن اولوبده غیره محتاج اولماق دین ایسه اغنیادن اولوبده غیره ا کرام ایتمکه حسابسز فائده و منفعتلر مقرر اولدینی نیجه آیات شریفه و احادیث نبویه ایله ثابت و مبرهنه در شوقدرکه مات اسلامیه نك عجزه و معلول وایش اینلمکه قدرتی اولیانلری بیت المال مسلمیندن انفاق اولنور .

{ سعی و عملك ممدوح و تجارنك مسنون اولدیغنه }
{ دائر احادیث شریفه }

اما حضرت رسالتپناه افندمن سؤالی منع بیوره رق خالق سعی و عمل ایله تدارك معیشته سوق ایلمش لر و انسانك كندی اعمال یدی اولیان طعام و تنقه بی خیرلو بیور مامش لردر حتی مقدم بن معدی کرب -ضرترلرندن اشبو حدیث شریف روایت اولنور قال رسول الله صلی الله علیه و سلم (ما اكل احد طعاما قط خيرا من

ان یا کل من عمل یدیه) دیمشکه انسان کندی الی امکی
ایله تمیش ایتماید و حلال رزق طایبی فرضدر سؤالک
ممنوع و حرام اولدینی کی و ابن مسعود حضرت تارندن
(طاب کسب الحلال فریضة بعد الفریضة) حدیث
شریفی مروتدر یعنی صلات و حج کی فرائضدن
صکره کسب حلالی طاب فرضدر بیورلمشدر وینه
رافع بن خدیج حضرت تارندن روایت اوانورکه حضرت
رسالتناه افندمزہ صحابه کرام طرفدن قننی کسب
اطبدر دیو سؤال اولمش انلرده رجالت عمل یدیه بیع
مبرور بیورلمشدر و کتب احادیثده عمل یدزراعت
تجارت کتابت صناعت ایله نفسیر و بیع مبرورده غش
و خیانتدن سالم و فاسد و خبیث اولماقلق جهتیه شرعا
مقبول اولغله توضیح و توصیف اولمشدر و بیع یعنی
تجارت مسنوندر علیه الصلاة والسلام افندمز تجارت
طریقیه بعثلرندن اقدم ایکی کره قرب شامه و برکره
یمنه سفر ایتدکاری متواندر و طریق تجارتده بولمقلغک
نه درجه قدر و شرفی اولدینی ابی سعید حضرت تارندن
روایت اولنان اشبو حدیث شریفدن اکلایشیلور قال
رسول الله صلی الله علیه و سلم (التاجر الصدوق الامین

مع النبیین والصدیقین والشهداء) نه موتلو بو حدیث
شریفه ما صدق اولان زمره موحدینه و شرکت
طریقله اوله جق تجارتک ایسه تجارت منفرده دن افضل
و جناب حقک فضل و برکتی شرکت طریقله اولان
تجارتده جلوه کر اولدیفی ابی هریره حضرتلرندن
روایت اولسان حدیث شریف ایله تأیید اولنور (قال
ان الله عزوجل انا ثالث الشریکین ما لم یخن احدهما
صاحبه فاذا خانه خرجت من بینهما) اشته شرکتلر
تشکیایله توسیع تجارتی سبی و اقدامده عون الهی نه درجه
حاضر و مهیا بولندیفنه بوندن بیوک دلیل اولمز امام طیبی
شرکتی بعضیک اموالی بعضیکسنک اموالی ایله تمیز اولمز
درجه ده اختلاط ایتمسندن و جناب حقک (انا ثالث
الشریکین) بیورمسی علی طریق الاستعاره فضل و برکت
احسان ایدم جکنی بیاندن عبارتدر دیش :

(دردنچیسسی اورج) اورج دیمک مسلم عاقل ایله
حیض و نفاسدن پاک اولان مسلمة عاقله نک عبادت قصدیه
فجر صادقدن شمس غروب ایدنچیه دک قصداً یکن
و ایچمکن و معنی و مباشرتیه انزال منی ایتمکن و اشتها
اولنان کسه نک قضای شهوت محملارینه حشفه منی ادخال

ایتمکدن کندینی حفظ ایتسیدر امدی رمضان شریفک
 اوروجی هر مسلم مکلف اوزرینه فرض عین اولدینی
 آیت کریمه و حدیث شریف واجماع امتله توانرا ثابتدر
 رمضان شریف اثبات اولدقدده هر مکلف صائم اولور
 ورمضان شریفده اوروجه نیت ایتمشیکن امسالک وقتدن
 صکره حشفه نی اشتها اولنان کسه نک قضای شهوت
 محملرینه عمداً اختیاربله ادخال ایتمکله واول کسه نک دخی
 او محملرینه ادخال اولتمغله ایکیسنکده اورجی قاید اولور
 یا حیضی یا مرض شدید کبی بر عذری یوغیکن عمداً
 مأکولات یا مشروباتدن غیذا یادوا اولان نسنه نی یک
 یا ایچمکله دخی اورجی قاید و بوتقدیرجه اول کون
 قضا و کفارت صوم دخی لابددر کفارت صوم ایچون
 قول ازاد ایتمک قدرتی و اراسه قول ازاد ایتک و بیکا
 قدرتی یوغیسه التمش کون بر بری اردنجه اراسنی
 کسمیوب ورمضان قارشدرمیه رق اورج طوتمق لازم
 او اور فقط کفارت صومه شروع ایدن خانون برقاج
 کون مرورنده حیضنی کورمکله حیض کونلرنده
 طوتمسه ضرر ایتمز لکن حیضدن پاک اولدقدده عذر
 حیض ایله طوته مدینی کونلرک اراسنی آرمیه رق قضایه

شروع و تمام ایتک لازم اولور و اگر التمش کون اوروج
 طومتغده قدرتی یوغیسه التمش فقیره هر برینه بشیوزیکرمی
 درهم بغدادی بابیک قرق درهم اریه ویرر یاخود اچقمنی
 ویرر یاخود صباح و اخشام اطعام ایدر و بر فقیره
 التمش کون ویرسده اولور اما التمش کونلکی برکونده
 بر فقیره ویرسه اولمز و خارجدن سیسام قدر نسنه
 یمیکله قضا و کفارت لازم اولور اما دیشنک اراسنده
 قالبونخود قدر اولان شیئی یوتسه انجق قضا لازم اولور
 نخود قدر اولمزسه ضرایتمز مکر خارجه چیقاروب صکره
 یرسه اوصورتده ینه انجق قضا لازم اولور و آغزینی
 چاقارکن بوغازندن صوقاچسه یا تحمیلدن خارج بر جبر
 وزورایله بوزدورسه لر یا حقیقان ایتسه یا بروننه بردوا
 چکوب بروننک کیکنه واصل اولسه یا قولاغنه یاغ ایتسه
 یاره سنه علاج ایتسه یا مطاش و یا تیمور یوتسه یا کندی
 صنمیه اغز طلوسی قوصسه یا صنعی اولیه رق قوصد قدر نصکره
 اورجی بوزلمق ظیلله بیسه و ایچسه و یا اویمیکله یا قضای شهوت
 محملرینک غیر یسنه مباشرتله و یا شمعغله انزال واقع اولسه
 و یاخود امساک و قید نصکره کیجه ظیلله ییوب ایچسه

یاخود غروب اولامش ایکن ضروب ظنیه افطار ایتسه
 یاخود اورجی اونتوب یدکدن صکره خاطرینه
 کلدکده اورج بوزلدی ظنیه قصداً بیسه بونلرک
 هپسند انجق قضا لازم اولور ودخی اورجی اونتوب
 بیسه وایچسه یا او یویوب احتلام اولسه یا شهوتله باقغله
 انزال واقع اولسه یا حلیله سنی اوپسه یاخود قی غلبه ایدوب
 صنی اولیه رق قوصسه یا جنب اوله رق صباحه قالسه
 یا بوغازینه توز یا سینک قاچسه یا طعمام پشورمکه
 توتون کیتسه بونلردن بریسی اورجه ضرر ایتمز
 ودوماتی جذب ایتیه رک عود اغاجی ویا عنبر ایله عادت
 اوزره توتسولتمک دخی ضرری یوقدر فقط توتون
 ایچن کسه چکمسیه دومانى بوغازندن اله بیلدیکندن
 انک اورجی فساد وادوب قضا وکفارت لازم کلور
 وسحور یمک واکثر وقتده یعنی فجر کاذبدن صکره اولان
 قرانلقده یمک مستحبدر و افطارده عجله ایتمکده مستحبدر
 وسنی کمال بولوب اختیار اولدقده اورجدن عاجز اولسه
 رمضان کونلرنده ییوب فدییه ویرمک جائز اولور (فدییه)
 اولدرکه هر برکون ایچون دیلرسه بغدادین بشیوزیکرمی

درهم خرمادن یاخود ارپه دن بيسك قرق درهم یاخود
 قيمتارینی تصدق ایدر دیلرسه جمله سنی ابتدای رمضانده
 ویرردیلرسه اخرنده ویرر لکن فدیله لری ویردکن صکره
 اورجلری طوقمه اقتصداری اولورسه قضاسی لازم
 اولور قلعه و طایبه تعمیر و انشاسی ایله مشغول اولوبده
 شدت حرارتدن ضعف مستولی اولسی ملحوظ بولنان
 مسلمینک اورجلرینی بوزارق خدمت مذکوره ادا
 و صکره قضا مباحدر و خسته اولوب اورج سببيله
 خسته لکینک زیاده لنسی ظن غالبی اولسه یا بر خاتون
 حامله اولمقله اورجه تحملدن عاجزه اولسه یا امزکلو
 اولوب اورج حاليله غایت ضعف کله رک وکنندن
 بشقه بر خاتونک امزرمسیده میسر اولسامقله کنندینک
 یا امزردیکی چوجنک تلفندن قورقسسه بونلر ایچون
 اورجلرینی بوزوب صکره قدرتی اولدینی وقتده قضا
 ایتمک جائز اولور رمضان شریفده بلده سنده مقیم
 اولمیان کسه بر محله اون بش کون یا زیاده اقامتی
 نیت ایتمکجه اورج طوقتیوب صکره قضا ایتمسی جائزدر
 انجق ابتدای مسافرتنده اورجلی بولنورسه اوکونک
 اورجینی بوزماق لازمدر و مسافر اولان کسه ایثنای

سفرنده مشقت ویرمزسه اورجی طومتق اغضالدر
 واوزینه قضا لازم اولان کونلری قضا ایدم جک قدر
 معمر اولمشیکن قضا ایتمدین وفات ایتسه وصیتی وار
 ایسه ثلث مالندن هربرکونک فدیسی ویرملک لازم
 اولور وصیتی یوغیسه وارثلرک تبرعا ویرملری صحیح
 اما طرفندن قضا اولق اوزره اورج ملوتو ویرملری
 صحیح دکلدر .

{ فطره بیاندهدر }

حواج اصلیه سندن ماعدا قدر نصابه مالک اولان
 هر مسلم نفسیچون وغنی اولیان صغیر ولدیمچون وملکی
 اولوب تجارت نیت ایتدیکی وخدمتمنده بولندردینی
 کوله وجاریه سیچون وام ولدومدبریچون صدقه فطره
 ویرمک واجبهدر زوجه سنک وبالع اولان ولدینک
 فطرملری قدرتلری وارسه ککندولری اوزره واجب
 اولور وغنی اولان ولد صغیرینک فطره سی صغیرک
 مالندن لازم اولور وصدقه فطرک وجوب اداسنک وقتی
 بیرام کونی فجر طلوع ایتدکدهدر لیکن مقدم ویرملی
 مستحبدر .

بیرامدن صکره یه تأخیر اولمغله ساقط اولمز ودخی
 فطره بقدای ودقیقندن بشیون یکرمی درهمدر واربه
 واوزم وخرمادن بیک قرق درهمدر قتلوق اولمغله بهالی
 اولدینی سنه عینلری ویریلوب بوللوق واوچوزلق
 وقتده قیمتلری ویرمک افضلدر ودخی اوزرینه فطره
 ویرمک واجب اولان کسه قربان بیرامنده بولندیغی
 محلهه مقیم اولورسه قربان ایتسی دخی واجب اولور
 لکن قربان انجیق کندی نفسی ایچون واجب اولور
 وقربان قیون ویا دوه ویا صغر اولماید ویر دوه ویا
 برصغریدی قربان یرینه کچر یعنی یدی کشی بریره
 کلوب برصغری ویا دودی قربان ایدم بیلور لر سکز اولورسه
 قربان فاسد اولور .

{ بشنچی حج }

حجک فرض اولدینی ایات کریمه واحادیث شریف
 واجماع امت ایله ثابتدر امدی موانع بدنیه وخارجیه دن
 سالم اولان هر مکلف مسلممه سکنا سندن وسائر کندویه
 لازم اولان شیلردن وحج ایدوب عودتیه دک عیالک
 نفقه سندن ماعدا ازاد وراحلهیه وسعتی بولندیغی تقدیرده
 ویوللرده امن اولوب مخاطره اولمیدیغی حالده عمرنده

برگردد حج ایتک فرضدر بالغ اولمزدن مقدم یاخود
ازاد اولمدین حج ایتمش اولسه فرض حج ساقط اولمز
واوزربنه حج فرض اولوب مکّه مکرمه دن مسافه سفر
بعید اولان خاتونک زوجی و محرمندن کسه سی اولسه
اداء فریضه حج ایچون نفسنی برعاقله و بالغ کسه یه
تزویج ایتمی واجب اولور حجک فرائضی نیت وتلیه
یعنی (اللهم لیکن لیکن لاشریک لک لیکن) الح دیمک
ووقوف یعنی وقفه یه طورمق وطواف زیارت وطوافه
نیتدر واجبلری میقاندن یعنی شرق یا غرب و یا شمال
و یا جنوب قننی طرفک اهالیسی ایسه کندولرینه
تخصیص وارانّه اولسان یردن احرامنامق و سی ایتک
وصفادن باشلیه رق یوریمک و عرفه ده سعبده غروبده دک
وقفه ده دائم اولمق و عرفاندن عودتده امام المسلمینه و یا
وکیانه تابع اولمق و فجر دنصکره مزدلفه ده بر لحظه اولسون
طورمق و اخشام نمازینی یاتسویه تأخیر ایتک و اوج
کون اوقاق طاشلر آتمق و ایلمک کونکی طاشلمه
تراشدن اول اولمق و هر کونک طاشلمه سی ایرته سی
کونه تأخیر ایتامک و یوم نحرده تراش و یا صاج کسمک
و ستر عورت ایله طاهر اولدینی حلاله تیمنا طواف

نمازینی قیلمه قدر و حجك فرضلری و و اجباری و سننلری
 دائر معلومات فقه کتابلرنده و مناسك حج رساله لرنده مفصلا
 بولندیگی کجی محئنده ادا اولنورکن دخی دایلمر معرفتیه ارکان
 و اصولی او کر تیلدیکندن بوراده تطویلدن صرف نظر اولنه رق
 بو قدر حقه اکتفا قلندی و حجدن صکره علیه الصلوات
 و السلام افندمزی زیارت افضل طاعتدر زیرا (من حج الیت
 ولم یزرنی فقد جفانی) یعنی هر کیمکی حجهی ادا ایتدکن صکره
 بنی زیارت ایتزایسه بکا جفا ایتمش اولور بیورلمشدر .

{ مذاهب اربعه ایله امام اعظمك تاریخ ظهوری {
 { وترجمه حالی {

ذکر اولنان عمللرده صاحب مذهب و مقتدا بهمز امام
 اعظم ابو حنیفه در و عملدن بحث ایدن اشبو علم فقهك مأخذی
 (قرآن کریم) و (سنت رسول) و (اجماعت) و (قیاس
 فقها) دریغی جمیع مسائل شرعیه و قواعد دینییه بودرت
 دلیل ایله نابتدر و بونلرك اك قویسی قرآن کریم ایله سنت
 رسولدر لکن اکثریسی ظنی الدلاله اولدینی اجلدن محل
 اجتهاددر یعنی آیت و حدیثلری بعضیسنك طووغریدن طووغرییه
 بر حکم و بر معنایه دلالت ظاهره سی صورت قطعیه ده

اوله مدینه‌دن ذکر ی آئی اماملر بیتنیده بمض مرتبه
 اختلاف واقع اولمشدر انک ایچون قرآن کریم وحديث
 شریفدن حکم چیقارمقافه لازم اولان علومده ماهر
 واحکام شرعییه استنباط واستخراججه قادر بر مجتهد
 بولوب اندن اخذ وانک مذهبه ذاهب اولمق لازمدر
 ومذاهب صحیحه (ابوحنیفه وامام مالک وامام شافعی
 واحمد بن حنبل وسفیان ثوری وداود طائی) مذهبلری
 ایسده ایکی صکره کیلرک اتباعی قالمبوب شمديکی حالد
 ملت اسلامیه اولکی درت مذهب اوزره بولنمشلردر
 ودردی دخی حقه در واعتقادده جملاسهی بردر انحق
 عملده اختلافلری واردر وبونلرک ایچنده مذهب حنفیه
 احق واولادر زیرا ابوحنیفه نعمان بن ثابت رضی الله
 عنه حضرتلری بین الائم کتاب وسنته جملاسه‌سندن
 زیاده اعلم وجودت قریحه وعلم احکامده صحت رأی ایه
 ممتازدر حضرت امام هجرتک سکسانجی سنه‌سندن
 تولد ایدوب پدرلرینی بمضیلر ابناء فارسدن وبمضیلر
 دخی ابنای عربدنذر دیدیلر امامک پدری وفات ایلدکده
 والدہ‌سنی جعفر صادق رضی الله عنه تزویج بیوردیلر
 ابوحنیفه صغیر ایدی جعفر صادق رضی الله عنه

{ فہرس الکتاب }

صحیفہ

- ۲ باب الاعتقاد
- ۴ اللہ تعالیٰ حضر تکرینہ اینامق
- ۶ صفات ذاتیہ و صفات فعلیہ
- ۱۱ جناب حق ملک کرینہ اینامق
- ۱۲ نازل اولان کتابلرہ اینامق
- ۱۳ قرآن کریم حقندہ بیلنمسی لازم کلان معتقدات
- ۱۵ قرآن کریمک جہت اعجازی
- ۱۸ قرآن کریمک نزولیلہ صورت انتقالی
- ۱۹ قرآن کریمدہ کہ سور شریفہ نک ترتیب نزولی
- ۲۳ قرآن کریمک بحث ایتدیکی شیلر
- ۲۶ تورات شریف حقندہ اہل اسلام ایچون لازم کلان اعتقاد
- ۲۷ انجیل شریف حقندہ اہل اسلام ایچون لازم کلان اعتقاد
- ۲۹ زبور و کتب منزله سائرہ یہ دائر معلومات
- ۳۰ پیغمبران عظام حضرانہ اینامق

- ۳۲ حضرت رسالت پناه اقدس منزه اجدادی و تاریخ
ظهور لرلی و اولاد و اصحابی و غزوانی
- ۳۷ حلیه نبوی
- ۳۹ کسوة محمدیه
- ۴۰ اخلاق و سیرت محمدیه
- ۴۴ معجزات نبویه
- ۴۸ حکمت بعثت نبوی
- ۴۹ چهار یار کزین
- ۵۳ آخرتہ اینامق
- ۵۶ قدره و خیر و شر الله تعالی دن اولدیفنه اینامق
- ۶۱ ارادة جزئیة
- ۶۳ اعتقادده صاحب مذهب بولتان ابو منصور ماتریشی
ایله ابوالحسن اشعرینک تاریخ ظهور لرلی
- ۶۴ باب العمل
- ۶۴ اوامر و نواہینک تعریفی
- ۶۶ مینای کلمه توحید
- ۶۶ نماز قیلمق
- ۶۷ حدندن طهارت اتمک

صحیفہ

- ۶۷ غسل ایتمک
۶۸ آبدست آلمق
۷۰ تیمم ایتمک
۷۱ نجاستدن طہارت
۷۳ ستر عورت
۷۳ استقبال قبلہ
۷۴ نمازک وقتلری
۷۵ نمازہ نیت
۷۵ بحریمہ
۷۶ قیام
۷۷ قرائت
۷۸ رکوع
۷۸ سجود
۸۰ قعدہ
۸۱ نمازک ادابی
۸۵ اوقات خمسہ نمازلرینک مایبسی و نمازک انواع
واحکام متعلقہسی
۹۳ جمعہ نمازی

- ۹۶ پیرام نمازی
- ۹۹ جنازہ نمازی
- ۱۰۱ زکات و شرائطی
- ۱۰۴ سؤالک یعنی دینہ جیلکک مذوعیتی
- ۱۰۸ سسی و عملک ممدوح و تجارکک مسنون اولدینی
وہونلرہ متعلق احادیث شریفہ
- ۱۱۰ اوروج طوتمق
- ۱۱۵ فطرہ و یرمک
- ۱۱۶ حج ایتمک
- ۱۱۸ مذاہب اربہ ایلہ امام اعظمک تاریخ ظہوری
وامام مشارالہک ترجمہ حالی





3 1761 07290456 8

Istanbul, Turkey. Dâriğga-
faka

'İlm-i hal-i kebir

BP
42
I8
1899